

Σ VIII. 44.


155995

L

Biblioteka Jagiellońska



stdr0002699




587324

Mag. St. Dr.

Σ VIII. 44.

1825

Theology notes



SYNODUS
PROVINCIALIS,
GNESNENSIS
PROVINCIAE:

SUB

ILLUSTRISSIMO & REVERENDIS-
SIMO DOMINO,

D. LAURENTIO GEMBICKI,

Dei & Apostolicæ Sedis Gratia
ARCHIEPISCOPO GNESNENSI,
Legato Nato, Regni Poloniæ Primate,
Primoq; Principe,
Petricoviæ

Anno Dñi, Millesimo Sexcentesimo Vigesimo
primo: Die vigesima sexta, Mensis Aprilis,
celebrata.

C R A C O V I Æ,

In Officina Andrea Petricovii, S. R. M. Typographi.
Anno Domini, M. DC. XXIV.

SYNONYMS
PROVINCIALIS
GENESENSIS
PROVINCIA

SUB
INDICATIO
LUGO-DURANO
D. LAURENTIO GEMBIORI
DE & ADDESSA 2017
ARCHIEPISCOPO CAESAREN
Legato Nato, R. M. P. M. P. M. P.
Primo: P. M. P. P. M. P.
P. M. P. P. M. P.
Primo: P. M. P. P. M. P.
Primo: P. M. P. P. M. P.
Primo: P. M. P. P. M. P.

C. A. C. O. V. I. E.
In Officio edicti P. M. P. P. M. P.
edicti P. M. P. P. M. P.



LAURENTIUS GEMBICKI,

Dei & Apostolicæ Sedis Gratia
ARCHIEPISCOPUS GNESNEN:
*Legatus Natus, Regni Poloniae Primas,
 & Primus Princeps.*

Illustrissimis & Reverendissimis DD. Archiepisco-
 po Leopoliensi, aliisq; Provinciæ nostræ Gnesnen-
 sis, Episcopis, Dominis Fratribus nostris charissi-
 mis, ac ipsorum Capitulis, universoq; Clero,
 Salutem in Domino.



*CT A Synodi nostræ Provincialis, quã
 Divino adjuti auxilio, ante biennium
 Petricovia celebravimus, pro debito
 Officii nostri Archiepiscopalis, curavi-
 mus per Sanctam Sedem Apostolicam
 approbari: ad eumq; effectum miseramus Nuncium
 nostrum ad Curiam Romanã; primum quidẽ Reverẽ-
 dũ D. Joannẽ Grochowicki, Abbatẽ Wagrowecensem:*

A 2

deinde,

deinde, eo in itinere infelici casu interempto. R. D. Joannem Madalinski, Canonicum Gnesnensem, qui postquam negotium sibi commissum diligenter peregerisset, ad Nos rediit, Synodumq; à Sacra Congregatione Cardinalium S. Concilii Trid: Interpretum, recognitam retulit, unà cum Brevis Sanctissimi olim Dñi Nostri recens defuncti in Domino, ac literis illius Congregationis Sacrate Præfetti Cardinalis Ubaldini manu subscriptis. Quarum tenor talis est:

GREGORIUS PP. XV.

Ad futuram rei memoriam.

Militantis Ecclesiæ regimini divinâ dispensatione præsidentes, sollicito vigilare tenemur affectu, ut omnium Ecclesiarum status ad Sacrorum Canonum, & Ecclesiasticæ disciplinæ normam compositus, suorum commendet vigilantiam Rectorum, dum benè disposita diligenter custodiunt, & reprehensioni obnoxia salubri corrigunt medicinâ; & ideò si quæ ab illis pro Pastorali munere providè & laudabiliter ordinantur ut ab omnibus observentur, libenter providemus, prout in Domino conspiciamus salubriter expedire.

Cum

Cum itaq; sicut ex literis Venerabilis Fratris L A U-
R E N T I I, Archiepiscopi Gnesnensis, accepimus,
ipse de Anno M. DC. XXI. Synodum Provincia-
lem celebraverit, in ipsaq; Synodo nonnulla Statuta,
quæ à Venerabilibus Fratribus Nostreis, S. R. E. Car-
dinalibus, Concilii Tridentini Interpretibus, jussu
Nostro accuratè perlecta, & paucis in locis, ubi
opus visum fuit, emendata atq; aptata sunt, condi-
ta fuerint: Nos egregiam ipsius L A U R E N T I I Ar-
chiepiscopi, & Venerabilium Fratrum Episcoporum
Comprovincialium suorum pietatem, & Catholicæ
religionis zelum, ac in Nos & hanc sanctam Sedem
devotionem, imprimis summoperè commendantes,
& communi in illa Provincia eorundem Statutorum
observationi, quantum cum Domino possumus, con-
sulere volentes, Synodi præfatæ, quam eidem L A U-
R E N T I O Archiepiscopo remittimus, Statuta sic ut
præfertur, emandata atq; aptata, ab omnibus &
singulis personis Ecclesiasticis, tam secularibus,
quàm cujusvis ordinis & instituti regularibus, ac
aliis in dicta Provincia existentibus, ad quos quo-
modolibet spectat, inviolabiliter observari præcipi-
mus, & mandamus; eundemque L A U R E N T I U M
Archiepiscopum, & Episcopos Comprovinciales

suos præfatos, hortamur in Domino, & attentè monemus, ut Statuta præfata, juxta eorum formam & tenorem, in suis Dioccesibus publicent, illaq; publicari, & ab omnibus & singulis dictæ Provinciæ, personis secularibus & regularibus, ac aliis præfatis, in omnibus, & per omnia integrè, & sub sententiis, censuris, & pœnis in eis forsan contentis, recipi, admitti, observari, præstari, & debitæ executioni demandari faciant. Decernentes, neminem ab eorum observatione, quovis prætextu & causa se excusare debere; ac irritum & inane, si secus super his à quocumque quavis autoritate, scienter vel ignoranter contigerit attentari. In contrarium facien: non obstantibus quibuscunque. Datum Romæ apud Sanctam Mariam Majorem, sub Annulo Piscatoris, die xvi. Junii, M. DC. XXIII. Pontificatus Nostri Annô Tertio,

S. Car: S. Sus:

Litteræ Illustrissimi Cardinalis Ubaldini.

PER illustris ac Reverendissime Domine, uti Frater. Synodum Provinciale ab Amplitudine Tua, isthic cū suis Comprovincialib⁹ Episcopis, Anno M. DC. XXI. celebratam, & Statuta in eadem Synodo condita, ac postea ad S. D. N. delata, Illustrissimi Patres, Trid: Conc: Interpretes, ex suo munere, ejusq; Beatitudinis jussu, accuratè perlegerunt, ex iisq; Amplitudinis
Tux,

240
Tux, & Episcoporum eximiam pietatem, summam religionē,
devotumq; in Sanctam Sedem Apostolicam studium perspe-
xerunt. Nunc verò ipsam Synodum ad Amplitudinem Tuam
remittimus, paucis in locis, ubi opus visum fuit, emendatam,
atq; aptatam, quemadmodum in Synodi ipsius margine, & se-
paratim his nostris ad eam literis adnotavimus: ut eo modo
quo illam acceperit, edendam, & pro istorum populorum sa-
lute, atq; Ecclesiasticæ disciplinæ conservatione, omninò ob-
servandam cures, ne gregi eidem commisso, laboris tam piè
suscepti subtrahatur fructus, quem ipsa sibi in Synodi celebra-
tione ab initio proposuit. Id quod de eius religione ac zelo,
nobis adeò firmiter pollicemur, ut nullis eam cohortationib;
egere existimemus. Porro has litteras unà cum Synodo, ut
proponitur, emendata, D. Joanni Madalinio, istius Ecclesiæ
Canonico, ad Amplitudinem T. dedimus perferenda, qui in
procuranda hîc Synodi expeditione ita se gessit, eaq; usus est
diligentiâ, ut quemadmodum hac in re officio suo, ita &
omnibus quibuscum illi in Urbe agendum fuit, mirificè sa-
tisfecerit. Reliquum est, ut si quid spirituali administratio-
ni istius Provinciæ, adjumento esse possit, intelligat Ampli-
tudo T. se Sacræ Congregationis operâ, summâ cum fiduciâ,
uti possit. Interea Divinam clementiam precamur, ut vires
illi ad impositum onus sustinendum ministrare, & sanctissi-
mis illius conatibus adesse semper dignetur. Romæ, die
xxix. Aprilis. Annò Dñi M. DC. XXIII.

Amplitudinis T. Perillustri ac Reverendiss:
uti Fr: stud:

R. Car: Ubaldinus.


à tergo

Perillustri ac Reverendiss: Dño, uti Fratri, Domino
Archiepiscopo Gnesnensi.

Ut itaq;

Ut itaq; premissa ad notitiam omnium, quorum interest, deveniant, Decreta prædictæ Synodi, typis imprimi atq; publicari mandavimus, prout per præsentibus publicamus. Hortantes omnes & singulos, Metropolitanæ ac Primatiali Nostræ jurisdictioni subiectos, ut ea prompto animo suscipiant, inviolabiliterq; observent. Vestrū quoq; erit Illustriss: & Reverendiss: Dñi, ea quæ cōmuni consensu & consilio ad normam Sacrorū Canonū sancita, ac à S. Apostolica Sede accuratè cognita approbataq; fuerunt, lubentibus animis accipere, proq; suo Pastoralis Officio sedulò curare, ut ea omnia in executionem deducantur, & in Diocesibus vestris ab omnibus sedulò observentur, uti Apostolicæ leges, voluntate nostra, consensuq; cōmuni in Synodo statutæ, ad Provinciæ nostræ utilitatē, atq; gregis Dominici Nobis cōmissi, salutem, & laudabilem disciplinam, ac in domo Domini ordinē & decorem. Deus Opt: Max: ad ea servanda & implenda, mentes omnium accendat, viresq; adaugeat, Vosq; Ecclesiæ suæ sanctæ, quàm diutissimè servet incolumes. Datum Lovicii, die 21. Augusti. Annō Domini M. DC. XXIII.

ACTA



A C T A



Constitutiones Synodi, G N E S N E N S I S P R O V I N C I Æ.

*Anno Domini, Millesimo Sexcentesimo Vigesimo Primo.
Die Vigesima sexta Mensis Aprilis inchoata, &
ad primam diem Maij continuata.*



N Nomine Sanctissimæ & individuæ Tri-
nitatis, Patris, & Filii, & Spiritus Sancti.
Synodus Provincialis Gnesnensis, Anno
Domini, Millesimo Sexcentesimo Vigesi-
mo Primo, Indictione quarta, Pontificatûs
Sanctissimi Domini Nostri, D. GREGORII, Divi-
na providentia Papæ Decimiquinti, Anno Primo, pro-
die Vigesima sexta Mensis Aprilis, Petricoviæ in Eccle-
sia Parochiali legitimè congregata. Præsidente Illustris-
simo & Reverendissimo in Christo Patre, Dño LAUREN-
TIO GEMBICKI, Dei & Apostolicæ Sedis Gratia Archi-
episcopo Gnesnensi, Legato Nato, Regni Poloniæ Pri-
mate, & Primo Principe. Præsentibus autem Reve-

B

ren-

rendissimis Dominis Comprovincialibus Episcopis,
MARTINO SZYSZKOWSKI Cracoviensi, PAULO WOLUCKI
Wladislaviensi & Pomeraniæ, HENRICO FIRLEY de
Dambrowica Plocensi, JOANNE WEZYK Premislien-
si, JOANNE KUCZBORSKI Culmensi, OTTHONE SCHEN-
KING Vendenſi. Necnon Reverendissimorum Do-
minorum ANDREÆ PRUCHNICKI Archiepiscopi Leopoli-
ensis, Joanne Baranowski Archidiacono Leopoliens-
si, ANDREÆ LIPSKI Luceorientis, Stanislaw Łoza,
Canonico Luceorientis: STANISLAW KISZKA Samogiti-
æ, Matthæo Babinowski Canonico Mednicensi,
BOGUSLAW RADOSZEWSKI Kijoviensis, Religioso Mar-
tino Priore Monasterii S. Crucis, ADAMI NOWODWOR-
SKI Camenecensis, Paulo Karſki Decano Camene-
censi, Episcoporum. Ac Reverendis Dominis, Si-
mone Koluczki, & Gasparo Kozielski, Gnesnensibus
Canonicis, Joanne Foxio J. U. Doct: Archidiacono,
& Achacio Grochowski, Canonico Cracoviensi,
Chrystophoro Charbicki Præposito, & Balthazare
Miaskowski, Suffraganeo & Canonico Wladislaviens-
si. Nicolao Decio S. T. Doct: Decano Vilenſi.
Joanne Moreſki, & Stanislaw Zukowski, Poſnaniens-
ibus Canonicis. Stanislaw Starczewski Suffraganeo, &
Gabriele Wladislawski, Canonicis Plocensibus, Magno
Majowski, Cantore Premisliensi, Valentino Szczawiń-
ski Culmensi, Melchior Stephanide Chelmensi, Cano-
nicis; Capitulorum suorum Nunciis. Reverendis
item ac Religiosis Dominis, Joanne Grzymuſtowski
Landen;

Landensi, Stanislaſo Lubiński Tineceſi, Stanislaſo Dro-
jewski Scyricenſi, Adamo Trebnicz Olivenſi, Leonardo
Rębowſki Peplinenſi, Marco Lętoſki Paradifiſenſi, Sta-
niſlao Dębiński Bledzievienſi, Andrea Chleſki Ober-
ſcenſi, Abbatibus. Andrea Stremboſz Mſtoviſenſi, Tho-
ma Paſłowski Koſcielnenſi, Matthia Lubiński Miecho-
vienſi, nominato Epiſcopo Cheſmenſi: Gabriele Kiel-
czewski Strzelnenſi, Alberto Słupski Plocenſi, Præpoſi-
tis. Necnon aliis cæterorum Dominorum Abbatum, le-
gitimis ex cauſis abſentium, Nunciis: poſt peractum,
ſolemniter Sacroſanctum Miſſæ officium, invocataque
Spiritus Sancti gratiâ, Statuta inſcripta, unanimi
omnium conſenſu edixit & decrevit.

De Profeſſione Fidei.

FIdem Catholicam, quam Sancta Romana Eccleſia,
proſitetur, extra quam nemo ſalvus eſſe poteſt, cu-
piens præſens Synodus, & integram inſolatam conſer-
vari, atque ab omnibus, quibus id ex munere incumbit,
doceri & prædicari: Omnes & ſinguli, qui ad hanc Sy-
nodum conveniunt, Sacri Concilii Tridentini præſcri-
pto parentes, eandem Profeſſionem fidei, juxta formu-
lam à Pio Quarto felicis recordationis Summo Ponti-
fice editam, initio Sacræ hujus Synodi præeunte Illu-
ſtriſſimo & Reverendiſſimo Metropolitano, præſite-
runt: atque inhærendo Decreto Synodi Provincialis, An-
no Miſeſimo, Quingentefimo, Septuageſimo Septimo,
De unitate Fidei tenenda, promulgato, impiam & exe-
B2 crabi-

crabilem per Interregna, Ecclesiastico ordine universo, & non exiguâ parte sæcularis, protestante, invecam libertatem credendi quod quisq; velit, detestati & execreti sunt. Atq; ut Constitutio Apostolica de Professione fidei facienda, in omnibus Dioecesibus publicetur, & ab omnibus, qui de beneficiis curatis, dignitatibus, & canonicatibus sunt provisi; atq; à docentibus literas & à promovendis ad Doctorales, vel alios gradus, exactè serventur, primam & maximam Reverendissimorum DD. Episcoporum curam esse debere, unanimi consensu statuerunt.

Quamobrem neq; Regularibus, ne in sui quidem Ordinis Ecclesiis, concionari liceat, antequam professionem Fidei, ad præscriptam formam coram Ordinario, aut suo Superiore fecerint, multò minùs in Ecclesiis quæ suorum ordinum non sunt, id audeant, nisi testimonium de facta coram Superiore suo fidei professione, ostenderint.

Declarat præterea præsens Synodus, omnes Sacerdotes Vicarios Parochorum, & illos, quibus vacantes aliquando Ecclesiæ commendantur, non debere administrare Sacramenta; neq; item Ludimagistros & Scholarum Præfectos, ad docendum à Parochis admitti, antequam scripto Ordinarii, sive ipsius Officialis testimonio docuerint, se prædictam fidei professionem præstitisse, si ve etiam coram suis Parochis eandem fecerint.

De Archiepiscoporum & Episcoporum Officio.

Cùm

Cum omnium, qui in Spiritualem militiam sunt, ascripti, & in opus ministerii atq; ædificationem Corporis Christi, quod est Ecclesia, ordinati, requirat professio, ut quemadmodum Sacra Tridentina Synodus Spiritus Sancti instinctu, certas cuiusvis Ordini Officiorum regulas rationesq; præscripsit; ita eas, pro suo quisque gradu, sanctè religiosèq; teneat & observeat: tum vel maximè Episcopalis dignitatis honos id exposcit, ut ipsi tanquam sydera in firmamento posita, & mundi lumina, religionis, pietatis, & omnium virtutum exemplo, cæteris omnibus præluceant.

Quamobrem ipsis ante alios in memoriam breviter Sacra Synodus revocanda censuit ea, quæ ad officii eorum ritè obeundas rationes, ac stabiliendam in domo Domini salutarem disciplinam, excitandaq; tum Cleri, tum populi, ad Christianam pietatem, ac omnem honestatem in vita communi studia, per exempla Pastorum, legibus sacris sunt præscripta.

C A P U T P R I M U M.

Omnes Episcopi perfectionem, quam insigni hoc nomine profitentur, vitæ & moribus repræsentent, & assiduè illud mente animoq; revoluant, in quo per Ezechielem Prophetam præmoniti sunt à Domino: *Ego inquit, de manibus Pastorum meorum requiram oves meas.* Diligenter itaq; attendant gregi suo, atq; in obeundo munere Episcopali, illam perfectam Episcopi imaginem, divinitus ab Apostolo descriptam, in vita & actionibus

his unusquisq; exprimat. *Oportet Episcoporum irreprehensibilem esse: sobrium, prudentem, ornatum, pudicum, hospitalem, doctorem, non vinolentum, non percursorem: & quæ sequuntur.*

C A P U T II.

Cum DEUS Episcopis specialiter honorem nominis sui custodiendum commendaverit, ideò monet & obsecrat Synodus ut hoc ipsum depositum fideliter custodiant, & sanctæ religionis puritatem integritatemq; tueantur, atque hæreses omnes, omnibus salutaribus remediis, quantum, adjuvante Domino poterunt, abolere contendant.

C A P U T III.

EAdem Synodus confidit in Domino, quod Reverendissimi Domini Episcopi, ad earum rerum, ob quas in Concilium evocati sunt, calamitoso hoc tempore, tractationem, totâ cogitatione intenti, summâ animorum consensione id perficere conabuntur; ut DEO inprimis conscientiaæ suæ, religioni, Ecclesiarum utilitati, animarumq; salutis optimè prospiciant. Proinde hoc requirit Synodus, ut quâ animorum alacritate Sacrum Concilium Tridentinum à Majoribus nostris est receptum, eodem studio religionis atq; publicæ honestatis, Illustr: & Reverend: DD. Archiepiscopi & Episcopi ad ejusdem Concilii præscriptum, suas Episcopales functiones, & munia peragantes, in suis Diocesium ab omnibus

bus subditis, illud, quàm maximè fieri potest, observari procuret; confisi de summâ benignitate Sanctæ Sedis Apostolicæ, quòd in hoc rerum nostrarum Ecclesiasticarum, iniquiore & difficiliore statu, in casibus in istâ Provincîâ ad exequendum difficilioribus, oportunâ Sua Sanctitas, causâ cognitâ, moderationem adhibitura sit; juxta anteriorem in Synodo Provinciali, circa receptionem Decretorum Concilii Tridentini, declarationem, in Anno Domini, Millesimo, Quingentesimo, Septuagesimo Septimo, factam. Quo nomine, per suû Nuncium, Sanctissimo Domino nostro Synodus supplicabit.

C A P U T IV.

PLurimum interest Ecclesiis istius Provinciæ, ut communibus ipsarum necessitatibus, in Synodis Provincialibus, quas Spiritus Sanctus, optima malis remedia esse voluit, ab omnibus quos DEUS posuit regere Ecclesiam suam communi consilio, studio & opera provideatur.

Quare omnes & singuli Reverendiss: & Rñdi DD. & quicunq; de jure vel consuetudine Synodo Provinciali interesse debent, à Metropolitano & Primate, more majorum, ad Synodum evocati, DEO & Ecclesiæ officium hoc præstare, atq; Primati suo operam, & salutaria consilia accomodare non intermittant.

Et quoniam præsens Synodus ex Illustriss: Dño Archiepiscopo & Primate intellexit, quod Rñdus Dñus Episcopus Warmiensis, prætendens Ecclesiam Warmiensem.

ensem immediatè subiectam esse Sanctæ Sedi Apostoli-
cæ, ad hanc Synodum Provinciale, venire recusat. :
Censet eadem Synodus referendum hoc esse ad Sanctis-
simum Dominum Nostrium. Et quia Sacrum Concilium
Tridentinum de Episcopis, qui nulli Archiepiscopo sub-
sunt, ita disertè disponit, quòd ipsi debeant sibi eligere
viciniorum Metropolitanum, à quo ad Synodum Pro-
vinciale vocati, quamvis non jure subjectionis, sed ju-
re electionis venire, & omnia in Synodo statuta observa-
ri facere debeant: supplicandum suæ Sanctitati, ut sua
Sanctitas mandet, & jubeat Rñdo D. Episcopo Warmiē-
si, ipsiusq; Capitulo, ne qui jam pridem ad Sacrosancta
Concilii Decreta observanda sese juramento obstrinx-
erunt, in legem Concilii hoc ipso committant, dum Me-
tropolitanum Gnesnensem, quo viciniorum neminem
aliud habent, ad Synodales actiones, ipsam etiam War-
miensem Ecclesiam concernentes, eligere negligant. .
Eadem Synodus in reliquos ad Synodum absq; legiti-
mā causā coram Metropolitano probatā, non venien-
tes, poenam ducentarum marcarum, in antiquis Statu-
tis Prouincialibus innovat & revocat. .

Et quia R. D. Ottho Schenking Episcopus Venden-
s Provincie Livoniæ, nulli, ut asserit, Episcopo subiectæ;
declaravit in præsentī Synodo, se eligere pro Metro-
politano suo Metropolitanum Gnesnensem, nunc & pro
tempore existentem; ideò hoc Actis Synodalibus infi-
nuandum duxit Synodus ad futuram rei memoriam. .

Declarat præterea Synodus Episcoporum Bavonien-
sem in

sem in Moldavia, antiquitus Metropolitani Leopoliensis Suffraganeum, eidem Metropolitano subjacere, & in Synodis Provinciæ Gnesnensis, post Reverendiss: Episcopum Vendensem locum habere debere.

Episcopus item Wratislaviensis, cum ab origine suæ foundationis ad Provinciam Metropolis Gnesnensis, cum suo Venerabili Capitulo pertineat; & Reverendissimi olim piæ memoriæ Episcopi Wratislavienses, in superioribus Synodis Provincialibus, interesse, legitimè non impediti, pro suo munere soliti fuerint: Cavet præsens Synodus, ne per hoc, quod Serenissimus & Reverendissimus D. Episcopus modernus, propter præsentia turbatissima tempora, ex remotioribus ab Episcopatu locis, ad Concilium præsens Provinciale commodè venire non potuerit, nec Nuncium etiam parem ei legationi rectè obeundæ sine periculo mittere; juribus Ecclesiæ Metropolitanæ & Præmatialis præjudicetur: & ne in posterum ab Ecclesia Wratislaviensi, quam Sancta Sedes Apostolica Metropolitanæ Gnesnensi adjunctam esse voluit, debitum hoc, ex veteri instituto Provinciæ, officium intermittatur. Ac ut ea, quæ in præsentì Synodo, ad communem usum Provinciæ, ordinata & sancita sunt, in Diocesi Wratislaviensi, quantum maximè in Domino fieri potest, ex auctoritate illâ ordinariâ observentur, fraternè præsens requirit Synodus. Quem ad finem ab Illustrissimo Dño Primatè, Constitutiones ejusdem Synodi, ad Ecclesiam Wratislaviensem transmitti debebunt.

CAPUT V.

Non minus interest ad ædificationem populi Christiani, & mutua officia pertinet, ut Reverendissimi DD. Episcopi, quem sibi mutuò debent honorem, fraternamq; charitatem, eundem etiam defunctis fratribus fideliter ac sincerè reddant & exhibeant. Quamobrem censet Synodus æquissimum esse, & vel maximè fraterno amorì vero consentaneum, ne successor Episcopus Prædecessoris sui defuncti, acta, gratias, ob causam meritorum, alicui, vel in vim augmenti dotis Ecclesiarum concessas, assensu Capituli sui firmatas, & adhibitis etiam juris solennitatibus, & ex quibus aliquis jus quæsitum habet, peractas, quasi ad quandam contumeliam defuncti antecessoris, rescindat.

Proinde sicut locationes bonorum mensæ Episcopalis, si quæ in præjudicium successorum, anticipatâ solutione, sine contra præscriptum Sacrorum Canonum, fiunt, ultra triennium nec debent, nec possunt subsistere: ita vicissim, si quæ in rem Ecclesiæ, ad augendos successivè redditus, ad aliquod tempus, à jure non prohibitum, de consensu Capituli, ritè & legitimè, sine præjudicio jurium & subditorum Ecclesiæ, factæ fuerint, statuit Synodus, ut à Successoribus Episcopis non annullentur.

CAPUT VI.

EAdem Synodus, cupiens Ecclesiasticorum in hac Provincia indemnitati consulere; innovat antiquum
ab im

ab immemorabili tempore, ex auctoritate Apostolica, in
usum inductum Statutum Provinciale de Anno gratiæ.
Et declarat ex prædicto Statuto, non defunctis tantum
beneficiatis, sed vivis etiam, quacunq; ex causa illorum
beneficia jure vacare in vitâ ipsorum contigerit, pro ra-
ta deserviti temporis in Ecclesiâ, juxta Bullam Leonis X.
Annum gratiæ deberi. Ideoq; omnes sine exceptione
hujus Provinciæ beneficiatos sæculares, ad hujus Statuti
observationem obligari: & cum in Cathedralibus atq;e
Collegiatis Ecclesiis, à minoriq;e Clero idem Statutum
religiosè observetur; æquum sanè est, ut Reverend: Epi-
scopi suis hoc Prædecessoribus, pro sublevandis ipsorum
Episcopalibus & Senatoriis oneribus, ex eodem Statuto
libenter præstent; quòd eadem lege justitiæ, à suis successo-
ribus præstari sibi cuperent: ita tamen, ut non ad rigo-
rem justî valoris proventuum, sed ex æquo & bono, ea-
dem pars anni gratiæ à successore beneficii solvatur.

C A P U T VII.

Episcope Prælatos & Canonicos suarum Ecclesiarum
Capitulares, uti fratres & consiliarios suos, conveni-
enti honore prosequi, ac reliquum Clerum, qui eti-
am non vulgaris pars est Ecclesiæ, amare debent, pater-
neq; cum omnibus agere. Quare admonet præsens Sy-
nodus, ut Ordinarii locorum, de facto, causâ non co-
gnitâ, cum Clero non procedant, neminem juris reme-
diis opportunis uti prohibeant. In pœnis infligendis
C 2 modum.

modum & ordinem, à Sacris Canonibus & Statutis Provincialibus præscriptum, observent. Depactiones, Cleri à suæ Curia Officialibus fieri non permittant.

Pauperibus Parochis redditus & decimas per suos Procuratores evincant.

De Jurisdictione Spirituali.

C A P U T I.

Magnum Christianæ disciplinæ, & in moribus vitæ communi honestati perniciem affert, intermissum & planè neglectum. Jurisdictionis Spiritualis exercitium, dum multa publica enormia peccata, quæ nullâ lege Civili puniuntur, ab Ecclesiasticis tolerantur: Quæ sunt publicæ usuræ, adulteria, nefandi incestus, perjuria, sortilegia, & cætera innumera scelera, etiam ex Statutis Regni, ad Judicium Spirituale tantum pertinentia. Quamobrem præsens admonet Synodus, ut ejusmodi crimina & flagitia, Sacrorum Canonum poenis cōderceantur. Et quæ in anteriorum temporum Statutis Provincialibus, de Jurisdictione Spiritualium, & causis ad Judicium Ecclesiasticum pertinentibus, sub titulo, *De foro competent:* quæ item de Usurariis & Sortilegis, juxta Statutum Provinciale, lib: 4. sub titulis: *De Usuris* & *Sortilegiis*; item *de Adult:* ibidem sub tit: *De Adult:* & juxta Sacrosanctum Conc: Trid: c. 8. Sess: 24. *Gravè* &c. prudenter sancita sunt, in usum reducere cupiens, Sacra Synodus omnibus Parochis injungit, ut prædicta Statuta

Statuta bis in anno, videlicet prima Dominica Adventus
& Quadragesimæ, in suis Ecclesiis ex ambona publicari
& explicari faciant.

C A P U T II.

AD retinendam Spiritualem jurisdictionem pertinet,
ut Ordinarii Locorum Clericis, citationes, moni-
toria, & alia juris remedia, contra Nobiles Laicos, in
causis decimarum, censuum, & aliis, ad forum Spiritua-
le pertinentibus, sine respectu personarum, extradi ab
Officio Ordinario mandent: Itaq; in eo antiquum mo-
rem & consuetudinem servandam, Synodus statuit. Quod
si alicubi id negatum fuerit, ad Archiepiscopum Metro-
politanum, servato juris ordine, tanquam à denegata
justitia, appellare liceat. Monet verò Synodus beneficia-
tos, ne utiq; sine probabili prætextu juris, ad invidiam
Ordinis Ecclesiastici, levi de causa negotium sæcularibus
faceffant.

C A P U T III.

Pie & prudenter Concilium Nicænum primum statu-
it, ut excommunicatus ab uno Ordinario, ad com-
munionem ab altero non recipiatur: Proinde statutum
antiquum Provinciale, sub tit: *De Sententia Excommuni-*
cationis insertum; præfens Synodus innovando, declarat:
quòd Ordinarii locorum, quibus ab altero Episcopo, per
patentes literas significatum fuerit, aliquem in sua Dice-
cesi, nominatim per sententiam excommunicatum &

publicatum esse; omninò teneantur eundem in suis
Diocesisibus mandare denuntiari, & pro excommunica-
to haberi, sinè omni difficultate: aliàs juxta Statutum
Provinciale sub tit: *De Senten: Excomm:* lib: 4. Statuto-
rum Provincialium.

*De immunitate Ecclesiasticâ, & libertatibus
Ecclesiæ tuendis.*

C A P U T I.

CUM Ecclesiastica libertas, ad ministros Ecclesiæ, &
immunitas ad bonorum possessionem, fructusque
pertinens, Dei ordinatione, Summorum Pontificum
Decretis, & Sanctorum Conciliorum auctoritate stabi-
lita, atque in hoc Regno debite observata, nulla ratione
violari à quoquàm debeat: proinde quod de summâ
pietate & justitia Sacræ Regiæ Majestatis Synodus ma-
ximè confidit; dubitare non possumus, quin reliqui Ma-
gistratus Provinciæ, exemplo pientissimi Regis; quem
DEUS sanctæ fidei, Ecclesiæque suæ, in hoc amplissimo
Regno defensorem & protectorem, singulari providen-
tiâ constituit; libertatem & immunitatem Ecclesiasti-
cam conservare integram studeant, & quæ Ecclesiastici
juris sunt, ea tanquàm Dei ipsius munita præsidio san-
ctè tueantur. Quod ita ut fiat, Episcopi præcipua pars
Senatus Regni, cujus Princeps est Archiepiscopus Gne-
snensis, pro officii sui munere obligantur in conscientia,
providere, ne quid contra libertates, jura, immunitates,
& pri-

& privilegia Ecclesiastica, in Comitibus Regni statuatur. Et cum non deceat Ecclesiasticos in hoc superiori à sæcularibus, qui absque ullo respectu metuè invidiæ, aut cujusvis potentiæ, tam anxie, sollicitè, & efficaciter jura sua & libertates tuentur; multò magis convenit Episcopis, Christum apertè confiteri, & strenuè causam Dei agere: Ideoq; si quid invito ordine Ecclesiastico pro lege habendum, à sæcularibus decernatur, conjunctim operam Metropolitano suo & Primati, ad tuenda jura Ecclesiæ præstent: & non modo circa conclusionem Comitiorum protestentur, se ea lege quæ non de publico omnium consensu ferretur, non teneri; verùm etiam ad Acta Regni publica relata protestatione, singuli in Diocesis per Decanatus rurales. Clero suo intimant: & publicari mandent per Processum; non tamen ex ambona; ad eum effectum, ut Clerus præmoneatur; se ad ejusmodi præjudicialium legum observantiam non obligari. Et Confessarii, præsertim nonnulli regulares, qui per indulgentiam nimiam, aut alià de causa, Nobiles à quibusvis criminibus absolvunt, norint probè examinare conscientias eorum, qui Constitutiones libertati Ecclesiasticæ contrarias, in Comitibus promovent, & Clerum, inaudita causa, per injuriam aut invidiam oppugnant. Quamobrè præsentis Synodi auctoritate, omnes Sacros Canones, & Apostolicas sanctiones, in favorem Ecclesiasticarum personarum, libertatis Ecclesiasticæ, & contra ejus violatores editas: omnia item superiorum temporum Provincialia Statuta, in hac materia, De im-

muni-

munitate Ecclesiarum sancita, ab omnibus exactè ser-
vari præcipimus.

CAPUT II.

CUm tria vel maxima loca sint, in quibus jurium & libertatum Ecclesiasticarum periculum vertitur, videlicet Comitia Regni, tam Generalia, quàm particularia, necnon Judicium Tribunalis Regni: monentur seriò Reverendiss: DD. Ordinarii, ut Comitii Generalibus & particularibus omninò intersint, sub poenis in antiquis Statutis Provincialibus latis. Deputatorum verò Tribunalis Regni rationem habeant, ac possint, si qui Deputati minorem aliis provisionem habent, majorem pensionem aliam, contribuentibus respectivè imponere & assignare.

CAPUT III.

Quia Articulos immunitatis Ecclesiasticæ in Constitutionibus Provincialibus Regni descriptos, declaravit & modificavit, felicis recordationis GREGORIUS XIV. Ideò Sacra Synodus eandem Constitutionem publicandam esse decrevit, & publicavit, ac eam hic inseri mandavit.

GREGORIUS EPISCOPUS.

Servus Servorum Dei.

HAc perpetuâ valitura Constitutione omnia, & quæcunq; Privilegia, Indulta, & Grantias, tam per SIXTUM V.

ac

ac P I U M V. quàm alios quoscunq̃ Prædecessores Nostros,
aut Nosmetipsos, Sedemue Apostolicam, ejusq̃ Legatos, super
abducendis, et extrahendis ab Ecclesiis, Monasteriis, Sacel-
lis, Domibus regularibus & secularibus, locisve Sacris aut reli-
giosis, aliâsq̃ in casibus a iure permissis, hominibus, certorum
tunc expressorum, et non expressorum criminum reis, aut
fraudulentis decoloribus, etiam in odium certorum delictorum,
& pro bono, pace, & quiete publica, & ex causis urgentissi-
mis, ac necessariis, & aequipollentibus casibus in iure expressis,
atq̃ ex paritate, identitate, aut majoritate rationis, extensis,
perpetuo, et ad certum nondum elapsum tempus, seu ad vi-
tam alicujus Principis, aut beneplacitum, seu aliâs quomodoli-
bet concessa, etiam iteratis aut multiplicatis vicibus, approba-
ta & innovata, ac usu recepta; Litterasq̃ Apostolicas sub plum-
bo, aut in forma Brevis, seu aliâs quomodocunq̃ desuper confe-
ctas, quarum tenores hic haberi volumus pro expressis, ac ad
verbum insertis, sublata penitus omni differentia: Ita ad unam
tantam formam reducimus, & moderamur, ut Laici ad Ec-
clesias, locaq̃ Sacra & religiosa prædicta, confugientibus, si
fuerint publici latrones, viarumq̃ grassatores, qui itinera fre-
quentata, et publicas stratas obsident, ac viatores ex insidi-
is aggrediuntur, aut depopulatores agrorum, quive homicidia
& mutilationes membrorum in ipsis Ecclesiis, earumve cami-
teris committere non verentur, aut qui proditorie proximum
suum occiderint, aut assassini, et hæresis, aut læsæ majestatis,
in personam ipsiusmet Principis rei, immunitas Ecclesiastica
non suffragetur: Sed universis & singulis, & venerabilibus Fra-
tribus Nostriis, Patriarchis, Primatibus, Archiepiscopis, Epi-
scopis,

scopis, ceterisq; Ecclesiarum & Monasteriorum Prælatiis, tam
secularibus, quàm cujusvis Ordinis regularibus, districtè præci-
piendo, mandamus & precipimus, ut Laicos in casibus prædi-
ctis delinquentes, ad eorum Ecclesias, Monasteria, Domos,
& alia loca supradicta, Sacra, seu religiosa, respectivè confu-
gientes, & in eis se recipientes, atq; morantes: qui prædicta,
eorumvè aliquod iudicio suo commississe videbuntur, quando à
Curia seculari fuerint requisiti, & quilibet eorum fuerit re-
quisitus, Ministris, & Officialibus Curie secularis, absq; irre-
gularitatis nota, aut alienius Censura Ecclesiastica incursu tra-
di & consignari curent & faciant, & quilibet eorum curet &
faciat. Ne autem Curie secularis prædictæ Ministri, facul-
tate illos per se, & propriâ auctoritate extrahendi & abdu-
cendi, sibi olim ut præfertur attributa, & per presentes revoca-
ta, abutantur; volumus, dictaq; auctoritate decernimus, &
declaramus, ut Curia secularis, ejusq; iudices & Officiales,
ab Ecclesiis, Monasteriis, locisq; Sacris prædictis, Laicum a-
liquem, ut præfertur, delinquentem, in nullo ex Casibus supradi-
ctis, sine expressa licentia Episcopi, vel ejus Officialis, & cum
interventu persone Ecclesiastica, ab eo auctoritatem habentis,
ad quos solos, & non alios, Episcopis inferiores, etiamsi aliàs
Ordinarii sint, aut nullius Diœcesis, aut Conservatores, ab hac
Sede specialiter vel generaliter deputati, prædictam licentiam
dandi facultas pertineat. Occurrente autem casu, in loco exem-
pto, & nullius Diœcesis, tunc ad Episcopum viciniorum de-
volvatur hac cognitio, & non alios: capere, extrahere, aut
incarcerare non possint, nisi eo casu, quo ipse Episcopus, & di-
ctæ persone Ecclesiasticae requisiti, illos in delictis superius ex-
pressis

pressis, culpabiles tradere, aut captura, carcerationi interveni-
re & assistere recusaverint; tuncq; reverentia Ecclesia, & locis
Sacris debita memores, predictos delinquentes, minori, quoad
id fieri poterit, cum scandalo & tumultu extrahere curent.
Quodq; delinquentes Laici predicti, postquam ut praefertur, ab
Ecclesiis, locisve Sacris extracti, & capti fuerint, ad carceres
Curiae Ecclesiasticae reponi, & inibi sub tuto & firmo carcere,
ac opportunâ custodiâ, data illis si opus fuerit, per Curiam sa-
cularem, detineri debeant, nec inde extrahi, Curiaq; secularis
predicta consignari, nec tradi possint; nisi cognito prius per Epi-
scopum seu ab eo deputatum, an ipsi verè crimina superius ex-
pressa commiserint: tuncq; demum de Mandato Episcopi, per
Iudicem Ecclesiasticum Curiae seculari, quacunq; appellatione
postposita, consignentur. De criminis verò haresis, cognitio ad
Forum Ecclesiasticum tota pertineat, neq; in ea Curia secularis
se quoquo modo intromittat. Sicuti etiam prohibemus, ne con-
tra Ecclesiasticas personas seculares, aut cujusvis Ordinis, vel
militiae, & S. Iohannis Hierosolymitani Regulares, in quoquo
modo & vigore predictorum Privilegorum, Indultorum, aut
Concessionum, quae omnia ad terminos Iuris per praesentes, redu-
cimus, procedant, aut se intromittant, illasve ab Ecclesiis, Mo-
nasteriis, Domibus, locisq; Sacris aut religiosis, etiam in casibus
in hac Constitutione expressis, extrahere, abducere, capere, car-
cerare, aut cognoscere de criminibus, aut Forum Ecclesiasticum
pertinentibus, aliâs quàm de Iure, & per Privilegia eisdem Or-
dinitus, aut militis concessa permittitur, quomodolibet prae-
sumant. Quod si quis, quacunq; dignitate & auctoritate predi-
tus, promissorum, aut alio quovis prae-textu, quicquam prater,

aut contra huius Noſtræ Conſtitutionis tenorem attentare præſumpſerit, declaramus, eum ipſo facto cenſuras & pœnas easdē incurrere, quæ contra Libertatis, iuris, & immunitatis Eccleſiaſtica violatores, per Sacros Canones, & Conciliorum Generalium, Noſtrorumq; Prædeceſſorū Conſtitutiones, ſunt promulgatæ; Sicq; per quoscunq; iudices, &c. ſublata eis, &c. Nec non irritum, &c. Non obſtantibus præmiſſis, etiam SIXTI & PII V. quàm aliorum literis Apoſtolicis, &c. quibusvis perſonis, quibusvis graviſſimis & urgentiſſimis cauſis, &c. conceſſæ fuerint, tam illorum intuitu, &c. quàm etiam, &c. motu proprio, &c. ac per modum Statuti & Legis perpetuæ, & in vim contraſtus, & Fratrum Noſtrorum conſilio, ſub quibuscunq; tenoribus, &c. &c. derogatoriæ derogatoriis, &c. non irritantibus, &c. per omnia & ſingula, ac illorum tenores, pro expreſſis habentes, quatenus præmiſſis in aliquo adverſentur, &c. omninò ac perpetuò tollimus & abrogamus, ac ad terminos præſentis Conſtitutionis, quoad ſuperius deſcripta, duntaxat reducimus, & volumus cuiq; de cætero ſuffragari, &c. Publicata, die vigefima octava, Menſis Maij, à Nativitate Domini, Milieſimo, Quingentefimo, Nonageſimo primo.

CAPUT IV.

Comperimus præterea nonnullos ſalutis ſux tanto-
perè eſſe prodigos, ut Eccleſiarum Privilegia, quò ſecuriùs earum Patrimonio abutantur, ſupprimere, aut eadem auſu ſacrilego lacerare, aut flammis abſumere, præſumant: Proinde earundem indemnitati Eccleſiarum conſulere, effreniq; ejuſmodi malitiæ obviare volentes,

Ord-

Ordinamus , ut Caput Undecimum , *Seß: 22. Conc: Trid:*
De Reformatione , in omnibus Ecclesiis , pro sacris Concio-
nibus , primâ Dominicâ Adventus , prima itidem Domi-
nicâ Quadragesimæ , singulis præterea diebus Festis , qui-
bus frequentior solito populus ad Ecclesias confluit , pro-
mulgetur , idemq; Latino & Polonico idiomate descri-
ptum ; in quâlibet Ecclesiâ loco conspicuo appendatur. .
Nunc verò ipsum Canonem , in proprio suo tenore ad cal-
cem Statutorum apponimus.

De vita & honestate Cleri.

C A P U T I.

Monentur omnes in sortem Domini vocati , ut voca-
tionis suæ memores , omnia ea , quæ de vita & ho-
nestate Clericorum , tam de Jure Communi , & in Sacra
Tridentina Synodo , atque in Constitutionibus Provincia-
libus & Dioecesanis , sancita sunt , his præsertim tempori-
bus calamitosis , quibus ira Dei in nos desevit , observent :
Utq; omnia in executionem Rñdmi DD. Ordinarii , Pa-
storali curâ & vigilantia deducant , sedulo Synodus admo-
net & hortatur. .

C A P U T II.

Si in priscis illis umbræ & figuræ Ministris , tantan-
munditiam , sanctitatem , & innocentiam , multis poe-
narum comminationibus , requisivit DEUS : quanto ma-
gis eandem , & multò perfectiorem requirer à Sacerdo-
tibus

tibus Novi Testamēti; qui veritatis & gratiæ ministerium exequuntur; qui non simplices ac meros panes, sed, coelestem illum panem, Corpus Christi immaculatum offerre, consecrare, dispensare; & reliqua itidem Sacramenta Sangvinis & meriti Christi prætiōssimi symbola, mirum in modum tremenda, necesse habent ex officio ad ministrare. Cū verò in Præsbyteros concubinarios, varias & æquissimas pœnas, ex Sacrorum Conciliorum & Decretorum placitis, constituerint Summi Pontifices; & præcipuè Sacrum Concilium Tridentinum, gravissimas sanciverit pœnas: inhærendo prædictis Sacris Canonibus, præcipuè verò Statutis nostris Provincialibus, sub titulo, *De cohabitatione Clericorum & mulierum*, sancitis; Statuit, & decernit Synodus, ut Ordinarii locorum, pœnas in ejusmodi impuros Sacerdotes, juxta dicti Concilii præscriptum extendant. Et quoniam Clerici in fornicationem prolapsi, quorum peccatum ejusmodi notorium est, per sententiam, seu confessionem in judicio, aut per evidentiam rei, quæ tergiversatione aliquâ celari non possit, frequenter, ante, & post poenitentiam peractam, in Ordine suo sine dispensatione ministrant: quippe cū fortasse non animadvertant, neque Dei offensam, neque Canonicum impedimentum, quo ob tale crimen sese obstringunt: idcirco Clerum hujus periculi commonefaciant Episcopi, ne qui adeò manifesta concubinatūs, fornicationisvè labe contaminati sunt, Ordinis sui munus, à quo suspensi sunt, exercere audeant, ne ultra pœnas Canonicas irregularitatem incurrant.

CAPUT

C A P U T III.

Parochi se non satisfecisse muneri suo existiment, quod præsentiam suam apud gregem Vicariis ineptis redimunt, & operas minùs idoneorum interdum hominum conducunt, ad gerendas suas vices. Quamobrem præsentis Synodi auctoritate, monemus omnes & singulos quibus incumbit cura animarum, ut qui ex dispensatione Apostolicâ, à continuâ residentiâ justam ob causam excusantur, saltem in Festis principalioribus, debita sua in Ecclesiis Parochialibus munia obeant. Nam sicut in Medico corporali, eligitur & expeditur industria personæ; tantò id justius in Medico spirituali animarum, à fidelibus desiderari sciant. Reliqui item omnes Curati diligenter gregi suo attendant; non perfunctoriè, sed magna cum pietate, prudentiâ, & diligentia, Sacramenta Parochianis suis administrent. Ne superstitiones, ne contra ritum Ecclesiæ exorcismos, in suis Parochiis à quoquam exerceri permittant; alioqui tales officio Ordinario deferant atque denuncient. Reliqua item omnia, quæcunq; de eorum muniis & officiis in Sacris Conc: Trid: Canonibus, in Statutis Provincialibus; quæ item in Dioecesanis Illustrissimorum Ordinariorum Synodis, ad eorum exactam muneris rationem legitimè definita sunt, accuratè exequantur, ad earumq; Constitutionem, Decretorumvè, quæ Nos præsentis Synodi auctoritate omnia innovamus, & in usum reduci volumus, normam, omni observantiæ atque obedientiæ studio sese conforment.

Ne Cle-

*Ne Clericus Clericum ad Judicium seculare
trahat.*

Quia conquestus est Clerus, quod Spirituales nonnulli, ad judicia secularia se trahunt invicem; renovat Synodus Statutum Provinciale, lib: 2. sub tit: *De foro competenti*, ea de re latum, cum poenis ibi contentis.

De Electione Archidiaconi.

UT Bulla Provincialis, de Electione Archidiaconi, per omnia observetur; assumit Synodus antiquas Constitutiones Provinciales, super ea re editas: & decernit, ut vocatione Archidiaconatus occurrente, præmissis Cridæ literis, duo Doctores, seu Licentiati, vel in Jure Canonico, vel in Theologia idonei, liberæ Electioni Capitulorum proponantur, & ex pluritate votorum Electio concludatur.

De Officio Capituli, Sede vacante.

UT Capitula sui officii partes, sub tempus vacationis Sedium Episcopaliū, in redditibus patrimonii Ecclesiastici colligendis & asservandis, ex præscripto Statutorum in anterioribus Synodis latorum expleant; abusus qui hac in parte in damnum Episcoporum irrepperunt, abolemus, decernimusque, ut administratio & sustentatio, aliiq; sumptus, qui administratoribus bonorum, sedibus vacantibus, incumbunt, limites veterum Constitutionum non excedant, personæque Capitulares sumptus

sumptus ampliores, quàm Statuta permittunt, non faci-
ant; neq; in rem suam, ex peculio fructibusvè bonorum
Episcopalium, plura sibi usurpent; sub poena excommu-
nicationis & restitutionis, aliàs juxta Statutum antiquum
Provinciale.

De Jurisdictione Capitulari.

AD petitionem nonnullorum Capitulorum, inhæren-
do Decretis Sacri Concilii Tridentini, *sess. 25. c. 6.*
decernit Synodus, ut in rebus, quæ in Capitulis tractan-
tur, ac ipsum Capitulum tantum, ejusq; jurisdictionem
concernunt, ea illis salva & intacta, cum liberis absente
Episcopo suffragiis, omninò relinquatur.

De Bonis Mensæ Episcopalis.

VT Patrimonium Ecclesiæ integrum & intactum re-
linquatur; antiqua Statuta, De revisione bonorum
Episcopalium per Capitulares facienda, ut in executio-
nem deducantur, innovat Synodus: & monet ut per eos-
dem revisores, quorum unus debet proponi ab Episcopo,
Inventaria bonorum ejusmodi diligenter & fideliter confi-
cinatur, & in Capitulis asserventur.

Monentur etiam DD. Episcopi, ut circa locationes
bonorum, clausulam apponant Actis Castrensibus robo-
randam, quod dictorum bonorum tenentarii, Sede Episco-
pali vacante, bona mensæ Episcopalis, Capitulis liberè
& sine omni contradictione tradent.

*De Antiphonariis, Gradualibus, & Psalteriis
imprimendis.*

PROPTER inopiam Librorum Ecclesiasticorum, utpotè Psalteriorum, Antiphonariorum, & Gradualium non uniformiter Cantus in Ecclesiis absolvitur, neque Divina Officia decenter peraguntur. Promiserunt itaq; Reuerendissimi DD. Episcopi, se suppeditaturos pro Typographo sumptum, ut impensa communi cum Illustrissimo Domino Archiepiscopo, & auctoritate Suae Celsitudinis, prædicti libri recogniti & emendati, denuò in usum Provinciæ recudantur; & Parochis gratis ab Ordinariis locorum distribuantur; aliis verò iustiori pretio vendantur.

De Libris Agendorum.

VT uno eodemq; ritu Sacramenta à Parochis administrantur, decernit Synodus, ut Rituale Romanum, quod PAULI V Summi Pontificis jussu nuper in lucem prodiit, quamprimum imprimatur; additis Polonico & Germanico, ac Latino sermone, circa Baptismum interrogationibus; & circa Matrimonii confirmationem solito juramento, juxta ritum Provinciæ, addito: sicuti etiam in prædicto Rituali solennitates Matrimoniorum, juxta usum Provinciæ, conservari censentur.

De Statutis Provincialibus.

NE ignorantia Statutorum Provincialium, quorum Exemplaria perpauca extant, aliqui ab ipsorum ob-

servat

servatione sese excusent; decernit Synodus, ut eadem Statuta antiquiora, Libris quinque contenta, & per Sedem Apostolicam à MARTINO V. JOANNE XXIII. & GREGORIO XII. confirmata, eodem modo, & ordine, in uno volumine recudantur. In alio uerò simili volumine, imprimatur Synodus Provincialis, piæ memoriæ KARNOVII & MACIEJOVI Archiepiscoporum, unâ cum Epistola Pastoralis, & cum Decretis præsentis Synodi. Quod si in aliquibus locis Librorum quatuor, Constitutiones voluminis primi recognosci opus fuerit, Sacra Synodus negotium istud commisit RNDIS DD. Joanni Foxio, Archidiacono Cracoviensi; Francisco Zajerski, Præposito Luceorieni, Decano Pultovienſi: Archidiacono Sandomiriensi: Martino Klociński, Præposito Sanctissimi Corporis Christi in Cazimiria; & Nicolao Squernievio, Canonico Loviciensi, J. U. Doctoribus: unius ipsorum absentia non obstante, eosque ad eum effectum, nec non ad Rituale Romanum, pro usu Provinciae redigendum deputavit. Tenebuntur tamen iidem DD. Deputati, Statuti ejusmodi in ordinem redacta, cum Rituali Romano recognito, antequam impressa fuerint, Illustrissimo D. Metropolitano in scriptis offerre, ut idem Illustrissimus in Comitibus, seu alio commodiori tempore, cum aliis DD. Episcopis eadem revideat.

*De Sacrificio Missæ in privatis domibus
non celebrando.*

Districtè præcipit Synodus, ut nullus Sacerdos in pri-
E 2 vatis

vatis Oratoriis audeat Sacrum Missæ sacrificium celebra-
re. Contrafacientes verò ab Ordinariis ad Juris præscri-
ptum puniantur.

De Festo S. Adalberti.

UT Festum D. Adalberti, Regni hujus Patroni, per
omnes Diöceses Provinciæ cum Octava celebretur,
decrevit Synodus.

De Festo Divi Cazimiri.

UT Beatus Christi Confessor Cazimirus, Regni Po-
loniæ Patronus, congruâ devotione à Provinciæ No-
stræ fidelibus, sub duplici officio, ritu Ecclesiastico ho-
noretur, Decreto Apostolico jampridem sancitum est..
Cum verò Dei munere, beneficioq; per istius Sancti in-
tercessionem, nobilissimum hoc Regnum, in variis ex-
peditionibus bellicis, contra Schismaticos & barbaros
quosvis hostes, præsentem divinam opem experiri sole-
at; justum sanè est, ut qui hoc maximè calamitoso tem-
pore, bello difficili & periculoso expositi sumus, tanto
sanctius hunc ipsum nostræ gentis Patronum veneremur,
& per ejus intercessionem in Domino faciamus contra
omnes Christiani nominis hostes virtutem. Quamobrem
dies ipsius natalis, qui est quarta Martij, ut de more alio-
rum Festorum, qui à Clero & populo ex præcepto cele-
brantur, piè & religiose per universam Provinciam à fi-
delibus celebretur; præsentis Synodi auctoritate, in omni-
bus Diöcesibus populo quamprimùm denunciandum
manda.

mandamus, atq; ad recolenda divina beneficia in celebri-
tate Festi istius Sancti, ad ejusq; vitæ imitationem ex-
citandam, fideles exhortamur.

*De Canonizatione Beati KOSTKA, &
Beati CANTII.*

Postulationibus prioris Synodi Provincialibus inhæ-
rendo, renovandam iterum supplicationem censuit
Sacra Synodus, Sanctissimo Dño N. pro Canonizatio-
ne B. STANISLAI KOSTKA. Interim verò dum Canoni-
zationis negotium curabitur, ut Sua Sanctitas, de eo-
dem Beato officium peragi in totâ Provincia, concedere
dignetur.

Eadem item Synodus pro Canonizatione Divi CAN-
TII, Universitatis Cracoviensis Professoris, Sanctæ Se-
di Apostolicæ supplicari ab Illustrissimo Domino Ar-
chiepiscopo postulavit.

De Academia Cracoviensi.

UT Academiæ Cracoviensis, quæ Ecclesiæ Dei, &
istius Regni antiquum est seminarium & ornamen-
tum, debita Professoribus stipendia, anteriorum Sy-
nodorum Provincialium, Anno Millesimo Quingente-
simo, Septuagesimo Septimo, & Millesimo Sexcentesi-
mo Septimo, Decretis, per Sedem Apostolicam confir-
matis, liberaliter constituta, ab Illustriss. & Reverend.
Provinciæ Episcopis quotannis persolvantur; eadem
Statuta Provincialia antiqua & recentiora innovat præ-

sens. Sy-

lens Synodus; & in executionem deduci mandat. Et quia valor aureorum Ungaricorum, qui in dictis Constitutionibus specificantur, in tantum jam excrevit, ut æstimationem illius temporis, quo primum ante octoginta annos, de augendis proventibus Professorum Cracoviensium ordinatio Synodalis facta est, plus dimidio excedat, declaramus præsentis Synodi auctoritate, aureos in prædictis legibus debere intelligi de aureis, quorum singuli duos tantum florenos Polonicos ex antiquo valebant: ita, ut pro centum aureis, ducenti duntaxat floreni Polonici, Academicis Professoribus numerari debeant.

De Collationo Ordinum.

UT Prælati & Canonici, tempore collationis Sacrorum Ordinum per Suffraganeos, in Ecclesia legitime non impediti, in stallis suis intersint, monet & hortatur Synodus.

De instituendis ad Beneficia.

CUM Sacri Canones valde detestentur Symoniacam labem, in acquirendis Beneficiis Ecclesiasticis: ideò decrevit Synodus, ut sicut in resignationibus beneficiorum præstari debet & solet corporale juramentum, quod in ejusmodi resignatione non intercessit fraus, dolus, aut Symoniaca pactio: ita multò magis id circa institutionem ad beneficia Ecclesiastica observetur; videlicet, ut omnes ad beneficia quævis præsentati, vel electi, ante institutionem, coram Ordinario, vel ejus Offi-
ciali

ciali præstent, circa professionem fidei, corporale juramentum ad sancta Dei Evangelia, quod nihil dederunt, promiserunt, aut aliquem contractum in futurum fecerunt, ad obtinendum ejusmodi beneficium. Neq; aliter ad beneficij possessionem admittantur. Idem in permutationibus beneficiorum Ecclesiasticorum, inviolabiliter debet observari.

Declarat præsens Synodus, aureos, qui pro scriptura ad beneficia curata, vel simplicia, ab institutis in Cancellaria DD. Ordinariorum dari solent, debere intelligi de aureis, quorum singuli duos florenos Polonicales valebant; ita ut pro ejusmodi scriptura duntaxat quatuor florenos Polonicales Parochi, & alij beneficiati solvere teneantur.

De Indulgentiis.

VT Sanctarum Indulgentiarum usus pie & incorruptè omnibus fidelibus dispensetur, ex auctoritate Sanctæ Sedis Apostolicæ, locorum Ordinarij providebunt, ut quàmprimum in suis Dioccesibus, per edictum publicum, Indulgentias, quasvis à sæcularibus Sacerdotibus, & Religiosis exhiberi sibi faciant, & quæ revocatae aut malè obtentæ sunt, declarent, earumque usum interdiciant.

De Decimis.

Decimæ jure Divino debentur Deo & Ecclesiis, ad congruam sustentationem ministrorum Ecclesiasticorum. Quamobrem fideles omnes, cujuscunque gradus &

us & conditionis, ad quos Decimarum, missalium, aratraliorum, & maldratorum spectat solutio, obligantur in conscientia eas Ecclesiis vel personis, quibus legitimè debentur, integrè extradere. Quod si qui eas subtrahant, vel impedian, sive etiam prætextu, per injuriam temporum exortæ, suspensionis judiciorum, in causis Decimarum, extradere renuant, absolvi ab eo crimine non possint, nisi plenâ restitutione secutâ, sub pœna excommunicationis per confessarios, juxta Sacros Canones & Statuta Provincialia, incurrenda. Et ne per inscitiam aut oblivionem id peccatum committatur, inhærendo Statutis antiquis Provincialibus, sub titulo *de Decimis*, mandamus Parochis & Prædicatoribus, ut in Concionibus primo quoque Dominico die Adventûs & Quadragesimæ, doceant hoc populum, ne propositas à Sacris Canonibus excommunicationis pœnas subire cogantur. Quibus etiam diebus Sacri Concilii Tridentini Decretum, contra occupantes quovis modo fructus, bona, & jura Ecclesiarum, *Seß: 22. C. 11. & Seß: 25. C. 20.* communi lingua populo recitari mandamus.

Regulares quoque intelligant, se ex possessionibus, quas acquisierunt, vel in dies acquirent, teneri Decimas prædiales solvere; quemadmodum tenebantur sæculares, priusquam possessiones hujusmodi in regulares transtulissent: alioquin eosdem Regulares, nisi Judices Conservatores elegerint, ad præscriptum Constitutionis S.D.N. die XXI. Septembris, Anno M.DC.XXI. hæc de re editæ, coram locorum Ordinariis conveniri posse.

De Re-

De Regularibus.

INtelligent Presbyteri omnes etiam Regulares, cuiusvis Ordinis, se nullatenus posse Confessiones personarum secularium etiam Sacerdotum audire, nisi prius fuerint ab Episcopo examinati, & approbati: ac similiter non posse à casibus Episcopo reservatis absolvere, absque ipsius speciali licentia, juxta Decretum Sacrae Congregationis, in hac Synodo autenticè exhibitum, cujus tenor sequitur.

Sacra Congregatio Cardinalium Concilii Tridentini Interpretum respondit: Regulares quantumvis exemptos, & ad audiendas personarum secularium Confessiones approbatos, non posse quempiam absolvere à casibus, quos Episcopus sibi reservaverit; nec ulla illis ad hoc Privilegia, etiamsi fuerit illud, quod Mare Magnum appellant, suffragari.

De Judicibus Tribunalis.

VT Deputati omnes ad Judicia Tribunalis Regni, ab Episcopis idonei propositi, & à Capitulis electi, jurent in Capitulo, se absque legali impedimento, coram Capitulis verificando, non discessuros ante finem Judiciorum, tam Petricoviâ, quàm Lublinô, nisi relicto iussufficienti numero ad iudicium compositum; decernit præsens Synodus. Item ut pensiones ab Episcopis Græcis, Deputatis pendi solitæ, solis Ecclesiarum Cathedralium Russiæ Deputatis cedant, nec in posterum in æqualem divisionem cæterorum Deputatorum Poloniæ conver-

tantur. Iidem tamen Deputati Ruffiæ, tam Petricoviæ, quam Lublini continuè refidere, durantibus judiciis teneantur.

Item, ut omnium Ecclefiarum Deputati, qui plura poffident beneficia, non tamen incompatibilia, absque Apostolica dispensatione, occurrente vacatione præstimoniorum, eadem in omnibus Ecclesiis, in quibus beneficia poffident, cum sint in negotio Ecclefiarum totius Provinciæ, per Procuratorem, juxta senium suum poffint optare: dummodò juxta præscriptum Statutorum Capitularium sint habiles, & necessaria ad id habeant æquisita.

De Processu Judiciorum.

FInem litibus quamprimùm imponere æquitati convenit: proinde decernit Synodus, ut Judices in Provincia, in causis coram Tribunali suo agitandis, Processum Juris, quantum fieri potest, faciant breviorẽ. Et quòd de nullitate Processus obijci non possit, nisi ex defectu citationis, jurisdictionis aut mandati, juxta Leonis Decimi Provinciale dudum receptam, necnon Clementis Octavi, quæ incipit: *Litium dispendius*, Bullas super eâ re editas.

De Oratione pro Mortuis.

Sanctum & Christianâ pietate dignum est officium, pro fidelibus defunctis exorare: Quamobrem pio & laudabili fælisis recordationis Gregorii XIII. exemplo

omni-

omnibus Christianis proposito ad imitandum, orationem vespertinam pro mortuis, præsentis Synodi auctoritate constituimus: ita videlicet, ut perpetuis temporibus in singulos dies, ante decursum primæ horæ noctis, sive post occasum solis, hora una circiter, dato signo majoris campanæ, pro Defunctis Oratio Dominica, Salutatio Angelica sæpius repetita, cum Psalmo, *De profundis*, qui eū sciunt, religioso cordis affectu dicatur. Et ne post ordinarium Angelicæ Salutationis pulsum, insolito pulsu audito, incendii vel tumultus alicujus exorti signum dari à populo existimetur; præmoneri in concionibus hæc de re populum, mandamus: Atq; ut unusquisq; Episcopus Provinciæ, pro salutis animarum zelo, ubiq; locorum in sua Dioecesi, religiosè hoc precationis & charitatis officium, à suis Diæcesanis præstari faciat, monemus & hortamus.

De Testamentis, & eorum forma.

Sacra Synodus, imperitorum Clericorum indemnitati consulendo, declarat testamenta posse condi & ordinari, non publicando coram testibus vocatis & rogatis Testamenti sui seu ultimæ voluntatis articulos. Inde enim multi intestati moriuntur, vel male testamenta condunt, putantes de necessitate se obligari, ad expressionem pecuniæ, & rerum suarum mobilium: Ideo formam hanc præscribere imperitoribus voluit. Testamentum conditurus Clericus curatus & non curatus, siquidem ad pias causas testari voluerit, speciatim & nominatim vocet duos sacerdotes, si fieri poterit: aut si

duo Sacerdotes non sint, alios probos viros. Sin autem
voluerit testari ad non pias causas, vocet Parochum, &
duos testes, vel certè quatuor testes, si Parochum nolu-
erit, aut non potuerit adhibere; per quos possit de ipsius
constare voluntate, & declaret coram illis, quòd velit Te-
stamentum facere. Deinde non est opus, ut legat suum
Testamentum & publicet, sed scriptum suâ manu, vel al-
terius, offerat dicendo hæc vel similia verba: *Domini mei,*
offero coram vobis in scriptis ultimam meam voluntatem;
nolo tamen ut aliquis sciat, quàm diu vixero, de rerum mea-
rum dispositione introscripta: protestor tamen, quod in ista
charta scripsi meam ultimam voluntatem, quam valere cu-
pio, hoc, & omni alio meliori modo, via jure, stylo, & for-
ma; ita, quod si non valebit jure testamenti, juxta Statutum
Provinciale, valeat jure nuncupativi testamenti, vel alio me-
liore modo. Ipse Plebanus seu testator subscribit sic: *Ego*
N. presens Testamentum, seu ultimam meam voluntatem,
manu mea seu alterius N. scriptam, vobis dico, & protestor,
quod mea sit ultima voluntas, & vos quos vocavi & roga-
vi, eo nomine rogo, ut subscribatis in fidem & testimonium
præmissorum. Testes autem subscribant sic: *Ego N. testis*
vocatus & rogatus à V. testatore N. interfui & audiui te-
statorem sic dicentem: Hæc est mea ultima voluntas in hac char-
ta, quam tamen non audiui nec legi, quod testator volebat mi-
hi notam esse: ideo subscripsi in testimonium præmissorum.

Quod si testes scribere nesciant, eos debet rogare
testator, assignato ipsis aliquo viatico, ut convenient
viciniorem Parochum, & in recenti hoc ipsum denunci-

ent &

ent & petant, ut hoc sumat ad notam. Aut minore compendio testes vocati, denuncient idipsum coram iudicio villano. Et sic celebrata ultima voluntas, erit firma & valida, etiam sine institutione hæredis, & absque aliis solennitatibus de jure requisitis. Si autem aliquem intestatum mori contigerit, ordinat & statuit Sancta Synodus ut Episcopus Ordinarius, seu alius, quicumq; potestatem disponendi post intestatum habens, teneatur omnino ex relicto intestati, solutis solvendis juxta Statutum Provinciale, anniversarium constituere defuncto in Ecclesia, in qua idem defunctus servivit. Quæ executio ut sit in viridi observantia, omni dolo & fraude semotis, Ordinarios & eorum Officiales, ad quos executio testamentorum pertinebit, Sancta Synodus onerat, sub poenâ excommunicationis, & onere restitutionis, ad cujusvis instantiam.

De Usuris.

NON sine maximo dolore animadvertimus, in hac Provincia committi usurarios contractus, lege divinâ, & omni jure humano prohibitos. Quamobrem pro nostri muneris cura, cupientes hanc pestem, ad perniciem populorum latius manantem, reprimere; innovamus antiqua de Usurariorum poenis, & de pignoribus Statuta Provincialia; & præcipimus omnibus Parochis, ut bis in Anno, videlicet Dominicâ primâ Quadragesimæ, & Dominicâ Conductûs Paschæ, prædicta Statuta fidelibus exponant, ac eos salutaribus monitis instruant,
ut ab

ut ab eiusmodi illicitis contractibus abstineant.

Lectis itaque & publicatis præmissis, omnibus & singulis Constitutionibus & Decretis, gratiisq; Deo immortalis actis, & aliis juxta ritum Pontificalis Romani observatis, post solennem Illustrissimi & Reverendissimi Domini Metropolitanus supra nominati, omnibus tunc præsentibus, impertitam benedictionem, Synodus est finita. In quorum omnium & singulorum præmissorum fidem præsentibus, Sigillo Illustrissimi & Reverendissimi Domini Archiepiscopi Gnesnensis supra nominati, eidem Synodo præsentis, sunt communitæ. Actum & Datum Anno & Die quibus supra.

Locus Sigilli,

*Joannes Lugowski, Sac: aud: Apostolica pab:
Actorumq; Curia Illustris: & Reverendiss:
Dni Archiepiscopi Gnesnensi supati ac Sy:
nodi presen: Notarius.*

N
Nob
cret
scop
ps,
mo,
à S
dent
reco
hoc
Act
bus
his
Secr
ne
XX

Approbatio.

NOS ROBERTUS, Tituli Sancti Alexii, S. R. E. Presbyter Cardinalis Ubaldinus, pro munere Nobis injuncto fidem facimus, & attestamus, Decreta Provincialis Synodi Gnesnen: à D. Archiepiscopo Gnesnensi, alijsque Comprovincialibus Episcopis, Anno Millesimo, Sexcentesimo, vigesimo primo, die vigesima sexta, Mensis Aprilis celebratæ, à Sacra Congregatione Cardinalium, Concilij Tridentini Interpretum, SS. Dñi Nostri jussu de more recognita, atque ubi oportuit immutata fuisse, quæ hoc Libello cartarum XXII. quarum prima incipit, *Acta, &c.* ultima verò, *Lectis itaq;*, & desinit *quibus supra.* omnia continentur. In quorum fidem his propria manu subscripsimus, & ab infra scripto Secretario item subscribi, sigillique Nostri impressione communiri mandavimus. Datum Romæ, die XXIX. Aprilis, Anno M. DC. XXIII.

R. Card: Ubaldinus.

Sigillum.

Prosper Fagnanus S. Cong.

Cong. Secr.

Ex S. Conc: Trident:
Sess: 22^a C. 11. De Reform:

SI quem Clericorum, vel Laicorum, quacumq; is dignitate, etiam Imperiali, aut Regali, præfulgeat, in tantum malorum omnium radix cupiditas occupaverit, ut alicujus Ecclesiæ, seu cujusvis sæcularis, vel regularis beneficii, Montium, pietatis, aliorumque piorum locorum Jurisdictiones, Bona, Census, ac Jura, etiam Feudalia, & Emphyteutica, Fructus, Emolumenta, seu quascunque obventiones, quæ in Ministrorum, & pauperum necessitates converti debent; per se, vel alios, vi, vel timore incusso, seu etiam per suppositas personas Clericorum, aut Laicorum, seu quacumq; arte, aut quoeunque quæsito colore in proprios usus convertere, illosq; usurpare præsumpserit, seu impedire, ne ab iis, ad quos jure pertinent, percipiantur: is anathemati tam diu subiaceat, quam diu Jurisdictione, s Bona, Res, Jura, Fructus, & redditus, quos occupaverit, vel qui ad eum quomodocumq; etiam ex donatione suppositæ personæ, pervenerint, Ecclesiæ, ejusque Administratori, sive Beneficiato, integrè restituerit, ac deinde à Romano Pontifice absolutionem obtinuerit. Quod si ejusdem Ecclesiæ Patronus fuerit, etiam Jurepatronatus ultra prædictas pœnas eo ipso privatus existat. Clericus verò, qui nefandæ fraudis, & usurpationis hujusmodi fabricator, seu consentiens fuerit, eisdem pœnis subiaceat; nec non quibuscumq; beneficiis privatus sit, & ad quæcumq; alia beneficia inhabilis efficiatur, & à suorum Ordinum executione, etiam post integram satisfactionem, & absolutionem, sui Ordinarij arbitrio suspendatur.

EXHORTATIO

Illustrissimi & Reverendissimi D. ARCHIEPISCOPI
Post Sacrum Votivum,
Ad universum Clerum.

B Revem ego, Illmi & Rndmi Dñi, & ceteri Fratres in Christo charissimi, ac potius ex instituto, atq; consuetudine Synodali, quàm necessitate aliqua, in hoc Sacrato Concilio nostro, mihi habendum esse censeo sermonem. Non enim ignorant Amplit: & Fratertit: Vestræ, quem ad finem Sacræ Provinciales Synodi sint institutæ; quid tractandum deliberandumq; in ijs sit; quid deniq; præcipuum istud rerum Ecclesiasticarum præsidium, iam inde ab Apostolicis temporibus institutum, hætenus retardarit. Igitur in istis recensendis non immorabor: ea autem quæ Nostri muneris sunt, quæq; à Nobis, tristi isto & infelici suo Nostrocq; tempore, S. Mater Ecclesia, & charissima Patria postulat, brevissimè perstringam. Prius tamen tibi Patri Misericordiarum, & Deo totius consolationis, debitas reddo gratias, qui nos huc in tuo Sancto Nomine, ex dispersis partibus feliciter congregasti. Mit-

G 16 Do-

Domine inter nos Spiritum S. tuum, qui actiones nostras aspirando praeveniat, & adjuvando prosequatur. Vobis quoque Illmi & Rndmi Dñi, meritò habenda sunt gratia, laudandaque pietas in Ecclesiam, quod ad opem periclitantis? communi consilio ferendam, à me vocati, promptè & alacriter accurristis. Adeste igitur animis, Amplissimi Patres, adesto tota Presbyterorum cujusvis conditionis corona, Synodum Provinciale celebramus, non tantum Sacris id Decretis, & Canonibus jubentibus; verum gravissima quoque exposcente necessitate. Consultandum enim Nobis est, non modo de S. Ecclesiae Catholica doctrina, fideque nostra ab omni labe errorum vindicanda, ejusque puritate & integritate retinenda, officiis nostris rite & ordine exercendis, reformandis moribus ad Sanctissima praecepta, & laudem Ecclesiae disciplinae corrigendis excessibus aut abusibus, si qui per aliquam negligentiam irrepperunt, priscis legibus sanctè sanctis in usum revocandis, controversis componendis, retinendoque jure nostro, ac prerogativis penè labentibus. Verum etiam atrocissimo bello à gentibus immanitate barbaris, multitudine infinitis, sanctissima Christiana professionis, ac Salvatoris JESU Christi gloria, crude-

crudelissimis inimicis imminente, de salute statuq; nostro tuendo, ac Sanctissimis Ecclesiis, in quibus Nomen Domini celebramus, ab interitu diroq; exitio vindicandis. Primum itaque accuratè recogitemus nobiscum, ne fortè propter peccata nostra, iustus Dominus plagam hanc in populum, Regnumq; hoc intorqueat, & vibret gladium exardescens in nos indignationis sue, uti quondam in populum Hebraorum sibi dilectum intorserat & vibrârat; quando propter peccata Prophetarum, & iniquitates Sacerdotum, immiserat Chaldeis gentem fortem innumerabilem, quæ totum Judaicum populum in Babilonicam abduxit servitutem, templumq; illud, in quo habitaturum se promiserat, prophanavit & evertit, ac Sacrificia & libationes impiè sustulit & abolevit. Expergiscamur igitur nos, qui speculatores sumus, vigilemus super gregem commissum nostræ custodiæ, suscitemus dormientes in peccatis. Insonemus buccinâ, hortemur ut quiescant omnes perversè agere, & incipiant tandem benè agere. Revertamur ad Dominum toto corde & animo, & ambulemus in viis ejus. Vos maximè Sacerdotes, placare iram Dei nostri, plangite vestra & populi delicta; ingredimini in Sanctuaria Dñi, ministri Dei

Gz

nostri,

nostri, sanctificate jejunium, cessent commestationes
et ebrietates, agite penitentiam, fructus ea dignos fa-
cite, expurgate vetus fermentum, sitis azymi, puri ab
omni labe impudicitia, à cupiditate rerum terrenarum,
et carnalibus desiderijs; avaritia radix omnium ma-
lorum non habitet in pectoribus vestris; in Caelestium
bonorum contemplatione, in Deo ipso ac ejus amore,
cogitationes vestras defigite. Ita preces vestras exau-
diat, et non irascetur in finem; et ad interitum popu-
li sui, iustus et misericors Dominus, et prestabilis
super malitia, invocantibus eum in veritate, et pec-
cata sua verè et ex animo deplorantibus. Incumbi-
te igitur orationi nocturna et diurna; offerre placabi-
les hostias pro vestris populiq; peccatis. Potens est Do-
minus hostium nostrorum, qui gloriantur in fortitu-
dine sua, et in multitudine copiarum suarum, elidere
superbiam, et eos in virtute sua conterere. Uti olim
superbi Senacherib Assyriorum Regis, templo ac sa-
cra Urbi Hierosolymitana, universq; populo excidi-
um minitantis, ad pias lachrymas et supplicationes
p̃j Regis Ezechiae, Prophetarum et Sacerdotum, ac
Principum totiusq; populi castra contrivit. Nos ve-
rè illi et Rēdmi Dñi, Comministris nostris preea-
mus,

mus, non modò monitis, sed & exemplis. Luceamus
tandem lucerna in domo Domini, posita super excel-
sa candelabras; vigilemus, laboremus, honorificemus
ministerium nostrum, quod non modo excellentius est
alijs spiritualibus, verum planè Divinum; gratiam quam
accepimus, non in vacuum recipiamus. Talenta no-
bis tradita exerceamus ad salutem populi, & sanctæ
fidei, ac omnium Christianarum virtutum propaga-
tionem. Meminerimus nos non ad otium aut luxum,
& voluptatem, divitiasq; coacervandas, esse vocatos:
sed ad pascendum gregem Domini, & querendas ac
sanandas oves, quas ipse triginta trium annorum la-
boribus, humanâ carne ac miseriâ ultro susceptâ, ac
deniq; sanguine proprio, morteq; crudeli, è diabolica
servitute vindicavit. Verùm quia piè & eruditè, vo-
cationis nostræ partes, Theologus, quem orantem au-
divimus, nobis in memoriam revocavit, & impressa
ea esse ex Apostolica Sanctæq; Matris Ecclesiæ doctri-
na, in animis nostris non dubito, supervacaneum est
ea pluribus commemorare. Unum, in quo hujusce no-
stræ Synodi dignitas, optatusq; successus agitur, ab
universo Sacro Cetu Fratrum meorum, tam Illu-
strissimorum & Reverendissimorum Episcoporum,

quàm ejusvis Ordinis Sacerdotum, hic Spiritu Sancto autore congregatorum, in tuo Nomine JESU Dulcissime, cum Apostolo tuo obnixè peto, ut idem sapiamus omnes, inspirante Sancto tuo Spiritu, & unum simus, sicut tu & Pater tuus, cum Spiritu Sancto, qui à vobis procedit, unum estis: ut mutuam inter nos charitatem continuam habeamus, unanimes, idem sentientes, nihil per contentionem, aut inanem gloriam, neq; per emulationem facientes; sed in humilitate nobis invicem superiores arbitantes, non quæ nostra sunt singuli considerantes, sed quæ aliorum, ac ipsius Matris Ecclesiæ: supportantes alter alterum in charitate non ficta, & solliciti servare unionem spiritus in vinculo pacis. Deniq; quacunq; vera, quacunq; sancta, quacunq; pudica, quacunq; bona fama, quacunq; ex laude sanctæ discipline, ea cogitemus & agamus. Tu verò Christe JESU, à quo omne datum optimum, & omne donum perfectum, infunde in corda nostra Spiritum timoris tui, à quo vera sapientia, tanquam à fonte dimanat: adimple nos Spiritu consilij & pietatis, ut nostra istæ actiones à te incipiant, & per te capta, ad gloriam tuam salutemq; nostram finiantur, Illumina Domine, vultum tuum super nos, & misere-

miserere nostri, ut cognoscamus in terra viam tuam.
Et in omnibus gentibus salutare tuum: O mucro Do-
mini, revertere in vaginam tuam, Et quiesce, ut securi
Et quieti glorificemus Deum nostrum, in quo uno spem
nostram salutis reponimus. Respice Domine tribulatio-
nem nostram, Et ne permittas ut praevaleat inimicus,
ne forte superbiat, Et blasphemet ac dicat: Ubi est De-
us eorum? Protege igitur Domine Pontificem nostrum
GREGORIUM, Et Ecclesiam tuam sanctam. Protege
Regem nostrum SIGISMUNDUM, Et universum po-
pulum sperantem in te: ad te enim sunt oculi nostri ne
pereamus, tu in manu forti Et brachio excelsa, erue
nos de faucibus inimicorum nostrorum, qui veniunt
ad dilaniandam hereditatem tuam, Et contaminan-
da templa sancta tua, ut ab ipsis per te liberati, intra
Sanctuaria tua impolluta, tibi gratias reddamus, Et
laudetur nomen tuum, apud Sarmaticas hasce
gentes Catholica Religioni deditissimas,
in sempiternum.

Sermo

❧❧❧❧❧❧

Sermo habitus in Synodo Provinciali Petricoviæ.

TRagicum spectaculum Amplissimi hujus Regni, Vesterque hic, ô fulgentissima Ecclesiarum sydera, augustus confessus, animo sensuique violentos imprimunt effectus. Quæ etenim mens nativum servabit vigorem, conspiciens florentissimum Regnum decore pacis destitui? dum ut verbis Poetæ dicam,

Nobilitas cum plebe perit, lateq; vagatur

Ensis, & à nullo revocatum est pectore ferrum.

Stat cruor in templis, multaq; rubentia cade

Lubrica saxa madent; nulli sua profuit atas.

Arrodit & expectatio futurorum, quandoquidem fortuna belli ancipiti in loco est. Nec minus sensus splendore hujus Majestatis Ecclesiasticæ obruitur: Sanctitatis enim & sapientiæ radij undequaque percurrentes, debilem hanc senescentis oculi aciem perstringunt; & quidquid sit sermonis præconcepti, coram tot Sapientissimis Pontificibus, tot doctissimis Prælatiis & Patribus, effunderet non sinunt. Nec mirum. Pontifices enim Dei, Angelos Ecclesiarum, stellas dexteræ Altissimi, columnas fidei, Viros Apostolicos, hujusque Amplissimi Regni Ecclesiarum capita intueor. Utriusque magnitudini, animus sensusque cederent: authoritas tamen Illustrissimi PRINCIPIS mei, parere percipido favorem Sacratu catus Vestri, ausumque sermone suppeditabit, quo rem à Divino Spiritu mutuata, præsidibusque Ecclesiarum divinitus destinata, non persuasibilibus humanæ Sapientiæ verbis: *Quid enim paleis ad triticum?* sed salutari Spiritus eloquio, felicius percurram & expediam. Horum Synopsum Illustrissimo catui Vestro proposuiurus Apocaliptici vatis auctoritate attentionem postulo. Qui habet aures audiendi audiat, quid Spiritus dicat Ecclesiæ. Ex quibus, ut in gruentibus Ecclesiæ orbisque Patrii malis evitendis, efficax antidotum colligi possit,

gi possit: *Tu septiformis munere, Dextra Dei tu digitus: Tu rite promissum Patris, Sermone ditans guttura. Accende lumen sensibus, Infunde amorem cordibus: Virtute firmans perpeti, Quæ tu creasti pectora.*

Excederet numeros, si singula quæq; alloquia supremæ illius Majestatis, abjectissimo mortalium generi facta, pensitanda inducerem. Satis est capita illorum attingere, proque diversitate prolatorum, diversum sensum eorundem degustare: experimento enim è Divinis eloquiis petito, triplicis ordinis esse censentur. Sunt quædam suavissima, quale illud Davidicum: *Audiam quid loquatur in me Dominus DEVS, quoniam loquetur pacem in plebem suam:* hoc facit, ut sedeat populus in abundantia pacis, in requie opulentia, & in tabernaculis fiduciæ. Loquitur aliquando, dulcedini acrimoniam conjungens, quo abundè repletum se senserat Ezechiel libri ferculo degustato, continente lamentationes, earmen, & ve. Loquitur tandem voce, confringente cedros: quale illud Hieremi: 18. *Loquar adversus gentem, & adversus Regnum, ut eradicem & destruiam, & disperdam illud.* Hujus ordinis edicta Divinitus missa Ecclesiis agnosco, simulque timore percellor, ne illustrissima hæc Sponsa Vestra paribus nævis infecta, parem ultionis, & iræ Divinæ impetum, hoc calamitatum undique imminente exercitu, præstoletur, aut verius experiatur. Illa enim septem, quod universitatis genus est, Asiatica templa, flammeis oculis perlustrata, totius Ecclesiæ continuam varietatem delineant. Sed quia dicit Spiritus Ecclesiis; tempus non suppetit singula recensere, ex quibus unum verbum assumo; quod si pro dignitate, eodem afflante spiritu, altius penetravero, satis me functioni imperatæ fecisse existimaverim. Expectatis, Illustrissimi PRINCIPES verbum hoc? Refero, horrendumque refero: *Charitatem primam reliquisti. Memento unde excideris, & age penitentiam, & prima opera fac. Sin autem, venio tibi, & movebo candelabrum tuum de loco suo.* Tota demeriti causa tamen charitatis jactura: causa, quæ sola candelabri motionem, id est, luminis illius & doni Cælestis, nempe fidei privationem, sponsæ repudium, Angeli electi reprobationem; & ut multa brevi complectar, summi boni & beatitudinis damnum inferre potest,

H

Hic jam

Hic jam diligentius expedit scrutari, Charitas, quare vel maxime in Episcopo à Spiritu desideretur? Manifestum est Episcopalem dignitatem in Ecclesia Apostolicum fastigium possidere quocum vendicat illa suis, ut sint amici Dei, non hospites & advenæ, sed domestici facti, hac solâ tesserâ ab omni alienorum colluvie segregati, imò supra omne, quod est in Ecclesia Dei, eminens elevati: Et juxta Theologorum sententiam, soli in apice perfectionis positi. Astat sanè Regina à dextris supremi illius Dei, circumdata varietate diversè militantium. Sunt innumeri, qui liberam animi electionem violentiâ illâ Regnum Cælorum petente, non servâ necessitate, sed heroico obedientiæ actu pessundârunt: sunt qui carnis & mundi leges experti sine carne vivere, & in Cælestem conversationem ascribi elegerunt: sunt qui geniturâ locupletes, hæredesque paternorum bonorum effecti, omnia ut stercorea propter Christum reliquerunt: sunt qui filiorum Bellial trucientiâ attritâ sese suaque demoliri patiuntur, illius edicto firmati: *Mihi vindictam, & ego retribuam.* Sunt, qui jejuniis mortificationibusque ultro assumptis, diu noctuque corpora, Hostiam Deo placentem offerunt. Ijæterique Divinis dediti, ad perfectionis culmen aspirant, & velis remisque in hoc periculosissimo mari contendentes, rarò pertinent solis Episcopis apicem occupantibus, idque charitatis ope, quod sic manifesto. Charitas est connubium, & conformatio duarum voluntatum, Divinæ scilicet & humanæ, in unam, qua sibi mutuo in omnibus summèque consentiunt & conformantur, Deus & homo. Charitas enim rapit secum omnes animæ vires & affectiones in Deum, & quò magis crescit in homine Charitas, eò magis crescit hæc animæ cum Deo unio & desponsatio, ita ut animæ charitate flagrantibus, in eaque se assidue exercentes, nuptiis cum Deo, & nuptialibus bonis, ac gaudiis Divinis fruantur. Mentem Divi Bernardi aperio, cujus & verba addo: *Verè spiritualis, sanctiq; connubij contractus est iste.* Parum dixi contractus, complexus est. Complexus planè, ubi idem velle & nolle, unum prorsus de duobus faciunt Spiritum. Nec verendum, ne disparitas personarum claudicare faciat convenientium vota.

luntatem, quia major reverentiam nescit. Hanc Charitatem creatam, provocat illa supereminens omni scientiæ, Charitas Christi, quam uno verbo monstraturus Baptista, sponsum illum appellavit habentem sponsam. Postquam enim, VERBUM CARO FACTUM, ablutam sanguine sponsam sponsavit sibi in sempiternum; sponsavit autem in iustitia & iudicio, in misericordia & miserationibus, sicut sponsus super sponsam, gavius est super nos Deus noster. Connubia hæc optata dulcissimus Sponsus usque ad consummationem sæculi continuaturus, posuit in Ecclesia sua quosdam Apostolos, quosdam autem Prophetas, alios verò Evangelistas, alios autem Pastores & Doctores quos rectius dixerò, Sponsos uni operi intentos; nempe qui sponponderunt Ecclesiam Virginem castam exhibere Christo. Memini Petrum non prius clavum regendæ Ecclesiæ accepisse, nisi exactè Charitate munitum. Memini Apostolis toties inculcatum novum Charitatis mandatum; jamque muneris Amplissimi Vicarii constituti, illud audiunt: *Sicut misit me Pater, & ego mitto vos.* Missio illa fuit Charitatis summique amoris, sanguinis profluvio, mortisque atrocissimæ effectu illustrata: eadem Apostoli virique Apostolici ornati, ludibria, verbera experti, legitimos sponso dilectæ sponsæ, in locum Summi Pastoris successos se monstraverunt. Proinde necessarium semper fuit, probatum & constantem debere esse amorem ejus, cui committi debuit fidelium cura, & gubernatio. Talis connubii initia habentur, non ex homine, non valente aliquid boni cogitare ex se; sed ut æterna Veritas testatur, ex Deo vocante & trahente: nemo enim sumit sibi honorem hunc, nisi vocetur à Deo tanquam Aaron. Vocantur autem electi, eliguntur dilecti; dilecti Charitate illa perpetua, qua digni facti sunt in partem sortis Sanctorum. Sed quorsum ista? Charitas aurum ignitum est, scintillat, ardorisque sui multos participes facit: charitate in omnibus divites facti quid non efficiunt? Placet cum Apostolo, divitias excellentissima charitate pollentium attingere. Charitati indivulsæ hæc tria sunt annexa: Sanctitas, amicitia, filiatio Dei. Ubi charitas est, exulat vitium, virtus regnat, ejus cultores Sancti & im-

maculati in conspectu. Altissimi perseverant. Et quia diligentes se diligit, tacit annuens; adoptioneque filiorum ornat; ut in domo Dei, non ut servi, sed hæredes abundant, & dispensent bona dilecti sui. Sed ut exemplis res clarius appareat: Oblivio & ingratitudo illa Hæbrei populi, qua pro Deo & Salvatore suo vitulum adorant, extremum merebatur, excidium; idque intulisset Deus, nisi Moyſis Deo chari supplicatio intervenisset, teste Davide: *Dixit, ut disperderet eos, si non Moyſes electus ejus stetiſſet in conſractione in conſpectu ejus.* qui & dictum audivit: *Dimitte me, ut irascatur furor meus, & deleam eas.* Rectè cum Arnobio alloquar Moyſem: Pataſne tu, ô Moyſes, plus miſericors es quàm ille, qui blaſphematus manna pluit? qui contemptus de petra produxit aquas? Non tu plus miſericors, sed voluit Dominus affectum tuum ducibus populi recitari, ut sic ágant circa peccatores, ſicut te faciſſe cognoscunt, non citò damnant, sed volentem Dominum condemnare ſuis precibus ſteſtant. Et licet ſit ſcriptum, Deum eſſe, cujus iræ nemo reſiſtere poteſt, cum Divo tamen Gregorio dicimus; *Neminem quidem ira Dei abſolutè poſſe reſiſtere tamen juſtos multos reſtiſſe Divina teſtantur eloquia: quoniam ij & ſimiles, ab ipſo Deo accipiunt, contra impetum percuſſionis ejus opponuntur, & cum ipſo erigunt ſe contra ipſum, eosque Divina viſ ſibi opponit ſecum.* Subdit ibidem, Quid eſt ſervo dicere, dimitte me, niſi deprecandi auſum præbere? ac ſi aperte ei diceretur? Penſa quantum apud me valeas, & cognoſce quia obtinere poteris, quidquid pro populo exoras. Sed & Aaron vaſtante incendio rebellem populum, inter viventes & mortuos thuribulum ſumens, animadverſionis ignem incenſi fumo temperavit. David humiliter Angelo ferventi ſe opponens, gratiam & ante tempus præſinitum exegit. Hælias quoque longo jam tempore terra arente, ſubductas de Cælo pluvias verbo revocavit. Voluit Deus ille qui charitas eſt, habere ædificatores ſapient, avertentes ſemitas in quietem, quod Divi Hieronymi ſenſu facit; ut nequaquam ira Dei deſerviat, ſed placetur; & omnes indignationis ſemitæ conquieſcant. Unde apud Ezechielem comminatur Deus malis paſtoribus,

non a;

non ascendentes ex adverso, nec opponentibus murum pro
domo Israel, ut starent in Prælio in die Domini. Hinc certo
certius constat, universa Imperia & regna, robur & durationem
suam habere, non in curribus & equis, non in fortitudine exer-
citus, sed in sanctitate Pontificum, qui amici, filijque Domini
Dei Sabaoth, dignatione sua supremâ constituti sunt. Vos ego
Illustrissimi Patres, Vestrique Ordinis supremam dignitatem
agnosco tenere scutum invincibile efficacissimæ orationis, ar-
morum defensorum vim habentis, adversus ingruentes cala-
mitates. Vos inter Deum & populum mediatores constitutos,
quorum Sacrificiis & mucro saviens convertetur in vaginam.
Vos illos decem viros justos Abrahamo numeratos, quos si ul-
trix ira Divina inveniret, & ipsa Sodoma incolumis salvaretur.
Vos custodes illos constitutos super muros Christianæ Hiero-
solymæ, non cessantes cum hac suorum Castrorum acie lauda-
re Nomen Domini. Vos charitate succensos, interpositos ut
septem, & stantes oppositos contra Deum pro terra ne dissipa-
ta pereat. Vos Angelos Domini Exercitus, frementia Castra
Assyriorum ad internecionem usque vastare volentes. Hæc est
de Cælo fortitudo nostra, quæ si in gradu suo consummata per-
stiterit, non timendum quid faciat nobis homo. Sed terret cen-
sura Præsulis Ephesini, cui Spiritus dicit: *Reliquisti charitatem
primam.* Non amisisse charitatem putandus ille Episcopus, sed
de fervore eius non nihil remisisse; quod nimis securè vixeris,
quædamque oscitanter egeris, à culmine perfectionis ad inferio-
rem virtutis gradum per incuriam delapsus est. Et licet certò
definiri non possit, cuius negligentia accusatus fuerit: sive enim
quòd concionandi curam ob perfidorum hominum pervicaci-
am ex parte abiecerit; sive quod indigentium necessitatibus de
suis facultatibus parcè providerit; utrumque accerimè increpari
debit: quorum altero, salus & conversio peccantium, quæ ho-
stia Deo maximè accepta existit, negligitur; altero irriguum
illud pietatis & misericordiae à Deo stabularijs donatum,
arescit, fructus debitos in horreo Cælesti condendos non
producendo. Quicquid illud est, hoc vel maximè observandum

cenſeo: Deum ægerrimè ferre quamlibet in virtutum progreſſu incuriam, charitatisque remiſſionem; in ijs præſertim, quorum eſt ad perfectionis apicem vel aspirare, vel intentiori charitatis affectu in dies proficere, juſtorum ſiquidem ſemita quaſi lux ſplendens procedit, & creſcit uſque ad perfectum diem. Non aberravero, ſi præſentium calamitatum, quibus Sponſa hæc veſtra oppreſſa ingemiſci, Eccleſiaſtici Ordinis Veſtri charitatis remiſſionem, cauſam protulero. Dignitas ſanè Apoſtolicæ Ordinis Veſtri cum primis ſuſcipienda, omnique reverentiæ cultu, vel mihi minimo maximè veneranda venit, quam Paſtoralis vigilantia, Eccleſiarum ſollicitudo, irreprehenſibilis vitæ integritas, ſumma prudentia, honoris Divini æmulatio, mirum in modum illaſtrem faciunt; ſed judicium noſtrum cum Domino opus noſtrum cum Deo noſtro. Spiritum nempe ponderator Dominus, appendens juſtitias noſtras in ſtatera, invenit minus habentes. Pondere enim ſanctuarij, non vulgari & mundano, affectiones Spiritûs ponderantur. Mendaces filij hominum in ſtateris, decipientes de vanitate in idipſum: bonum malum, & malum bonum, dicentes; at æquiſſimus ille circumſpector omnium, cujus judicia pondus & ſtatera ſunt non ſecundum intuitum hominis, ſed penetrando ſingula, ad amiſſimque cuncta judicat. Docet cenſura hæc Ephesine Antiſtitis: docent anteaſtorum temporum exempla: diſſimulandane videretur tam ſtriſta animadverſio Cenſoris preſſius urgentis? *Venio tibi cito, & movebo candelabrum tuum.* Ille ſe venturum minatur, qui dixerat: *Mea eſt ultio, & ego retribuam ei in tempore; juxta eſt dies perditionis, & aſeſſe feſtinant tempora:* horrendum hunc adventum provocans, eſt Charitatis remiſſio. Nec diſcrepant anteriorum temporum exempla. Sancto enim Cypriano teſte: ſæviſſimam illam perſecutionem ſub Decio, Chriſtianos meruiſſe didicimus. Verba ſunt SS. Martyris. Traditam divinitus diſciplinam pax longa corruerat, erantque admodum depravati, tam populorum, quam Epiſcoporum mores, jacebat fides, & quaſi dormiebat, atque adeò opus fuit, ut erigeretur ejuſmodi Cæleſti cenſurâ. Quid hic memorem clades Galliarum ob peccata

cata
riâ, p
ac Sa
& pe
Sacro
coact
dovie
dis a
rum,
pulo
nodo
ſcipli
rum,
gnis
quâm
gari
Ture
perbi
mem
mini
verter
ſentie
agron
reſiſte
Chriſ
veri
ſavia
patia
Alti
gnan
eis d
diſcip
integ
tatem
tute

cata immissas? Laborabat tunc graviter Gallia frugum penuria, peste hominum & animalium, incursionibus Bulgatorum, ac Saracenorum, & quorundam Principum defectionibus. Jam & pessimus daemon puellam obsidens, urgente vi exorcismi ac Sacrorum, in ultionem malitiæ ac scelerum à Deo immissa esse, coactus est patefacere: & quod verius est, Eginhardo teste; Ludovicus Imperator, Angelica revelatione de multis corrigendis admonitus fuit: qui vigilantia pietate ex consilio Episcoporum, Constitutione promulgata, post triduanum jejunium populo indictum, quatuor annos sequenti celebrandas induxit Synodos, Moguntia, Parisijs Lugduni, Tolosæ; in quibus de disciplina Ecclesiastica, & morum emendatione, tam Præpositorum, quàm subditorum ageretur. Patet inde, calamitates Regnis peccata advocare; easdemque non alio efficaciori remedio, quàm pia Sanctissimorum Episcoporum deliberatione, profligari posse. Jam & nos securim ad radicem positam videmus; Turcarum gladio instante faucibus nostris, superbo hosti superbiam & vires addidit strages illa, non sine lachrymis commemoranda, exercitus nostri, qui Duces belli, bellatoresque à minimo ad maximum, Divina in nostram tepiditatem animadvertente justitia, hostili cesserunt potentia. Continuandam sentiebamus victoriam, depopulatione Oppidorum, vastatione agrorum grassatione in compitis, dum igne & gladio, nemine resistente, cuncta absumebantur. Expectamus ut sanguinis Christiani insatiabilis helluo, igne, ferro, tormentis in hanc veri Dei Sponsam, Vestraque Illustrissimæ dignitati desponsam sæviat; vineamque Domini Sabbaoth, ferus aper depascat. Non patiamini, Illustrissimi PRINCIPES, in diebus vestris iratum, Altissimum tantum inducere malum; utramque manum, propugnandæ Sponsæ exerceite. Dextera, priscam illam ab Apostolicis deductam temporibus Sanctimoniam, vitæ innocentiam, disciplinæ vigorem, revocate: Religionis Sanctæ Catholicæ integritatem intemeratam conservate: Sacris ministeriis puritatem & sanctitatem, reverentiam item ac devotionem, restituite: dispendium Charitatis remissa, qua in propugnando nominis

minis Divini cultu, usque ad sanguinem non restitistis, æquissimo medio emendare satagite: apud Serenissimum & Potentissimum REGEM, Procereſque Catholicos, autoritate Vestra efficit, legem impiissimam omnem veræ Religionis cultum, insufficientem, quæ sola interitus nostri sufficiens est ratio, vel tollant de medio, vel hostibus Sanctissimæ Trinitatis eam suffragari non permittant. Sed erro, à tramite veritatis Apostolicæ defleſcens. Qui in uno offendit, factus est omnium reus. Cum æquè Calvinii & Lutheri de cuneo satelles, ac Arianus, Ecclesiæ Dei & veritatis, quæ una est, cujus Vos clypeum invincibilem tenetis, juratissimus hostis existat. Mittet manum suam de alto Antagonista supremus, adjuvabit Pastorales connisus Vestros, aream suam purgabit, vel obedientiâ errantium debita Pastoribus suis; vel impotentia adversariorum non valentium resistere veritati. Introspectite viscera & mores sibi concreditorum; quorum innumeri obſtinati in peccatis, maximè verò turpitudinis vitæ, cædis sanguinariæ, rapinarum & usurarum, & aliarum iniquarum adinventionum, provocantium Deum, ut derelinquat nos, & abscondat faciem suam à nobis. Tanto operi conficiendo instructos esse oportet, & iuste consolante misericordiâ, & piè sæviante disciplinâ. Citius enim Omnipotens Deus, fideles famulos suos exaudit agentes pro populo: quia videt quid super populum acturi sunt ipsi pro Deo. Fortis enim legatus & mediator, causam populi apud Deum precibus causam Dei apud populum gladio, à Christo potestati Vestræ tradito, allegat. Hæc & alia dextera faciente, nec sinistra deses maneat. Hoc quidquid est copiarum Vestrarum, tantæ necessitati inservire facite. Quid arca plena nummis? quid vasa aurea & argentea? quid equorum & familiæ ornatus? quid domorum cæterarumque rerum splendor? quid denique Vestra hæc Ecclesiæ dignitas & potestas? Testentur & dicant, vel ipsæ Patriarchales Sedes, quarum candelabris loco suo motis, fecit Dominus cessare ex hominibus memoriam eorum. Exclament tot millia millium populorum, totius ferè Orientis, Meridiei, & Septentrionis, qui ab annis trecentis, sed turpius duriusque nostris

nostris temporibus subjugati, & jam successivis temporibus,
(quod dolenter dico) à Fide sancta diversi, quorum sanguinem,
referente Ezechiele, in die districti examinis, Dominus de ma-
nibus illorum, qui tunc in Dei Ecclesia indignè præsidebant,
durissimè requireret. Moveat, tot virginum violatio, puerorum
ululatus, mulierum lamentatio, matrimoniorum divisio, ca-
ptivorum venditio, liberorum servitus, & aliorum absque nume-
ro atrox interitus. Tangat corda Vestra hujus matris, quæ Vos
Sponsos suos tanto est dignata honore, tot Ecclesiarum, ubique
fornicatio, sanctarum religionum dissipatio, in Reliquiis San-
ctorum conculcatio: quæ omnia passæ sunt Christianæ Provin-
ciæ, brevi temporis spatio, cunctas tyrannide Othomanicâ va-
stante. Hæc vos excitent, hæc cautiore & diligentiores faciant,
summamq; Vestram prudentiam, conjuncta hac deliberatione
ad succurrendum labanti patriæ ferventiorē reddant. Hic hic
terribilem Castrorum aciem ordinaturi estis: credo nullas hic
contentiones & scissuras futuras, quarum consuetudinem Ec-
clesia Dei habere non debet; sed unanimes inter vestibulum &
altare collocabitis Sacerdotes plorantes, & precibus contendentes,
ut parcat Dominus. Sanctum indicetis jejunium, vocari fa-
cietis cætum, ut multorum clamore magis moveatur Altissi-
mus, pastoralis fervore excitabit negligentiam tepidorum: in-
justitias, contumelias, & diversos dolos, transferentes regnum
de gente in gentem, profligabitis. lachrymas pauperum ne pe-
netrent Cælos, abstergetis: prudentiam sæculi, quæ possiditis cæ-
lestibus terrenæ hæc avidè corradere facit, ad viscera pietatis &
misericordiæ revocabitis: subsequetur hos conatus innocentia
sancta Religiosorum collis ista, thuris & myrrhæ ferventiori ora-
tionum cumulo, strictiori; mortificationis rigore, diu nocteq;
calos petet, iraq; Altissimi placare contendet, quo propitio, quæ
hostilis potentia nocebit nobis? Ipse enim & non alius est Dñs
Deus noster, solus Salvator & liberator, qui ab omni periculo nos
liberabit, & in fremitu fortitudinis suæ, conculcabit omnes adver-
sarias potestates: ipse & non alio, cum gloria & honore nominis
sui dominabitur nostri, regens nos in sæcula sæculorum. Amen.

GREGORIUS PP. XV.

Ad perpetuam rei memoriam.

DEcet Romanum Pontificem, in sublimi Apostolatus solio
supernæ dispositionis providentia constitutum, pijs Catho-
licorum Regum, & Ecclesiasticorum Prasulum votis, per quæ
Patris Misericordiarum & totius consolationis Dei cultus, & SS.
ejus veneratio in terris in dies magis promovetur; & accepta
eorum patrocínio Divina bonitatis & clementia beneficia, hu-
mili & grata recolunt memoria, annuere; Pastoralis Officiij
sui partes de super interponendo prout Christi fidelium saluti con-
spicit salubriter expedire. Cum itaq; sicut Charissimus in Chri-
sto Filius Noster SIGISMUNDUS, Poloniæ & Sveciæ Rex
Illustris, ac Venerabiles Fratres Archiepiscopi & Episcopi
Regni Poloniæ, Nobis nuper exposui fecerunt; annis proximè elap-
sis Turcarum immanissimus Tyrannus, unà cum Tartarorum
Domino, innumerabilibus copijs ad excidium dicti Regni
comparatis, ad fines Rusiæ pervenisset, fluvio tantum Tprâ
exercitum, quem dilectissimus in Christo Filius Princeps VLA-
DISLAUS, dicti SIGISMUNDI Regis natus, ducebat, ab
hostibus dividente; & decies pugnatum fuisset, semperq; à No-
stris victoria relictus, tot cladibus afflicti hostes, & famâ
adventantis cum universa Poloniæ Nobilitate SIGISMUN-
DI Regis exterriti, ad pacem a quibus conditionibus offerrendam
adducti fuerunt; ne palmo quidem terræ à dicto Regno avulso,
magnâq; parte exercitus amissa, majori cum dedecore & confu-
sione discesserunt, & propterea dictus SIGISMUNDUS Rex,

ac Archi-

ac Archiepiscopi, & Episcopi prefati, singulare hoc Divina bo-
nitatis & misericordia erga se, & universum Regnum Polo-
nia beneficium, humili & pio corde, perpetua cum gratiarum
actione celebrari & agnosci debere considerantes, Tobis hu-
militer supplicari fecerint, ut diem quo dictus Exercitus re-
cessit, ut prefertur, Festum toti genti prefata decernere de be-
nignitate Apostolica dignaremur: Nos laudem & gloriam ei
tribuere debitum reputantes, qui Dominus est Exercituum,
per quem unus persequitur mille, & duo fugant decem millia
quisque populum suum respicere, & humiliare sicut vulneratum
superbum dignatus est: ac pio SIGISMUNDI Regis, nec non
Archiepiscoporum & Episcoporum prefatorum desiderio, in
premissis annuere volentes, hujusmodi supplicationibus incli-
nati; Quod de cetero perpetuis futuris temporibus, Dies ille, quo
immanissimus Turcarum Tyrannus, & ejus teterrima Tarta-
rorum auxilia, à finibus Russia, ut prefertur, recesserunt, qui
fuit Decimus Octobris, in Honorem Beatissime Virginis Ma-
riae, ac Sanctorum Adalberti & Stanislai, Sancti Sigismun-
di, Venceslai, Georgij, Floriani, Martyrum: Sanctarum Eli-
zabethae, Hedvigis, Sanctorum quinque Fratrum Polonorum
Martyrum; Sanctorum Casimiri & Hyacinthi Confessorum;
quorum patrocinio SIGISMUNDUS Rex, ac Archiepiscopi
& Episcopi prefati, nec non dicti Regni populi id se consecutos
confidunt, festum perpetuo in Regno Polonia prefato sit, isque so-
lenni cum celebritate primo anno post promulgationem hujus-
modi literarum; deinceps autem cum Processione & Litanijs
celebretur; Apostolica auctoritate, tenore presentium, perpe-
tuo Statuimus, & Ordinamus. In contrarium facien: non ob-

*Pan: quibuscunque. Datum [Romæ apud Sanctam Mari-
am Majorem, sub Annulo Piscatoris, die XXI l. Iulij.
M. DC. XXIII. Pontificatus Nostri Anno Tertio.*

S. Car: S. Sufannæ.


GREGORIUS PP. XV.
Venerabiles Fratres, Salutem & Apostolicam
[Benedictionem.]

DRACO ille ferissimus, qui Regnorum cadaveribus, & Ori-
entis sanguine saginatus, non ita pridem, in patentes Po-
lonie campos excitam penè omnem è sedibus suis barbariem
immittebat, non istis solum Provincijs meditabatur excidium,
sed Germaniam universam, & Occidentale Imperium auda-
ci spe devorabat: Contremuit terra, cimmeriunt & turbata
sunt abyssi, quocunq; ille Christiani sanguinis sitiens, tantis stipa-
tus Turcarum ac Tartarorum viribus gradiebatur. Neq; Ita-
lia quamvis mari Alpibusq; septa, cum ad vestrorum periculorū
spectaculum caput erexisset, formidine caruit. Intelligebat sci-
licet, semel effractis Polonie repagulis, posse à tam immani bar-
barorum colluvie haud difficulter suos quoq; campos inundari.
In tanta Paternæ charitatis Nostræ sollicitudine, & Christia-
narum gentium timore, exsurrexit tandem Deus Exercituum,
iudicans causam suam, ac Poloniarum legionum pectora tan-
tis viribus armavit, ut insolentissimi nos savientis hostis spiritus
contuderint, eumq; ad fœdas pacis condiciones petendas alege-
runt.

rintē. Miratā ē Europa unīversā fortissimi Regis SIGISMUN-
DI, ac Principis VLADISLAI virtutem dignam profecto, quæ
in omnium nationum animis æternam triumphet, Polonosq̃
Exercitus, liberatores Orbis terrarum, & profligatores hosti-
um immaniſſimorum, Christianā Republicā nuncupavit. Nun-
c autem vix dici potest, quibus laudibus in Cælum efferatur pie-
tas Nationis istius, cū Victoriā adeo illustrem, non sui mi-
litis fortitudini, sed Bellatoris Omnipotentis auxilio acceptam
referat. Nos autem qui in Pontificatus Nostri felicitate po-
nimus trophæum adeo commemorabile, amantissimè benedici-
mus Fraternitatibus Vestris, istisq̃ Provincijs Deum orantes,
qui potens est in prælio, ut tam gratos Principes, populosq̃ no-
varum semper Victoriarum prosperitate soletur. Caterum ut
flumen Tyrā, perpetuum erit Turcicæ ignominie monumentum,
ita Polono nomini sempiternā gloriā fuerit. Dies autem ille De-
cimus Octobris, qui vos calamitate, Nos formidine liberavit,
Vobis in maximo honore esse debet, atq̃ ad æternam Divinæ cle-
mentie & Polonæ virtutis memoriā propagari. Merito er-
go in ea die quam fecit Dominus, exultare & letari Polonia
cupit, eamq̃ Sanctis Regnorum istorum Patronis solempni cele-
britate dicare. Cū autem consilium hoc pietatis Vestra, A-
postolica auctoritati, ut par est, subijciatis, non patiemur pium
hoc à Nobis gaudium frustra tam religiosos Victores flagi-
tasse. Accipietis igitur Pontificium diploma, quo diem illum
vobis celebrare ritè permittitur. Nec verò minorem laudem
promerere nini, dum Sacrificijs & Litanijs Sanctos colore, non
ludis & viscerationibus plebem delinire decrevistis, ad lætitiā
Vestram significandam. Fraternitates Vestras singulari in
Domino


*Domino charitate complectimur, quarum pijs precibus in ijs
furentium Bellorum procellis Angelica legiones à Calo evocatas
credimus, quæ Regni istius ditionem, & Christiani Orbis fines
feliciter tutatæ sunt. Cum autem furentes Turcarum Scyta-
rumq; copias, istarum Regionum aditu armata Virtus Po-
lonæ militiæ prohibuerit, operam dare debent Fraternitates
Vestrae, ut istorum populorum animos contra dæmonum insidi-
as, & vitiorum arma pari felicitate propugnetis. Ita enim
non minus in pace quam in bello, & perinde in templis, atq; in
castris, Poloni nominis gloria triumphabit. Quod solatium Fra-
ternitatibus Vestris ab eo precamur, qui vos selegit Sacerdo-
tes sibi, & generi humano Cælestium Regnorum hæreditatem,
Divinæ bonitatis testimonio legavit. Datum Romæ apud San-
ctam Mariam Majorem sub annulo Piscatoris, Die XXIII.
Junij. M. DC. XXIII. Pontificatus Nostri Anno Tertio.*

Joannes Ciampolus.



ij
as
es
a.
o.
es
li.
m
in
a.
o.
n,
n.
l.

115



te.

as

Au.

&

am,

oris

lli.

tas,

eri-

m,

se-

tate

di-

die-

out

ecree

NIS

nsis,

a &

otari-

com.

u.D.

Acto-

is: D.

1825a

